



94604

春秋左傳註疏卷第十九上

文五年

晉杜氏註

唐孔穎達疏

皇明朝列大夫國子監祭酒臣盛訥

盛訥

承德郎右春坊右中允管司業事臣蕭良有等奉

勅重校刊

經五年春王正月王使榮叔歸舍且賙

疏王曰舍舍

口實車馬曰賙○舍本亦作哈戶暗反說文作

賙王

使

至且賙○正義曰公羊傳曰其言歸舍且賙何兼之兼之非禮也賈服曰舍賙當異人今一人兼兩使故書且以譏之案禮雜記諸侯相弔之禮舍賙賙賙賙同日而畢與介代有事焉不言遣異使也諸侯相於則唯遣一使而責天子於諸侯必當異人禮何所出而非責王也春秋之世風教陵遲吉凶賀弔罕能如禮

萬曆十九年刊

春秋疏左

王之崩葬魯多不行魯之有喪寧能盡至全無所譏不舍又無貶責既舍且賙便責兼之不可是禮備不如不備行禮不如不行豈有如此之理哉左傳舉來舍且賙會葬二事乃云禮也則二事俱是得禮無兼兼之意也言且者見有二禮而已宰啗言來歸此不言來者穀梁傳曰其不言來者所以周事之用也賙以早而舍以晚其意以為舍者所以實口當及未殯而至以其至晚故不言來以責王也按雜記舍者執璧將命坐委于殯東南有葦席既葬蒲席然則舍賙者所以助喪盡恩示其有禮而已既葬猶尚致之不必以濟其用天子之與鄰國莫不道路長遠赴者猶尚不至責其未殯而來此是理之不通也且來者自外之文非是褒貶之意九年秦人來歸嬴公成風之祿祿衣是斂之所用彼最晚矣何以復言來乎言來與不言來史異文耳宰啗秦人歸之既晚故舉其所為之人此夫人新薨言歸舍賙為夫人可知故不言歸夫人舍賙也何休膏肓以為禮尊不舍卑又不兼禮左氏以為禮於義為短鄭康成箴云禮天子於

二王後之喪舍爲先發次之開次之賻次之於諸侯舍之開之小君亦如之於諸侯臣稷之諸侯相於如天子於二王後於卿大夫如天子於諸侯於士如天子於諸侯臣何休云尊不舍卑是違禮非經意其一人兼歸二禮亦是爲譏如康成言尊不舎卑禮無其事康成以爲譏一人兼二事者非左氏意也○註珠玉至曰賵○正義曰周禮玉府大喪共舍玉穀梁傳曰貝玉曰舍士喪禮舍用米貝莊子說發冢之事云徐徐破其頰無傷口中珠是舍有用珠者也故云珠玉曰舍何休云天子以珠周禮大喪共玉不共珠也莊子所言發冢未必發天子冢也雜記云諸侯相舍以璧未知何人用珠耳公羊傳曰舍者何曰實也孝子不忍虛其親之口故以米貝珠玉實之謂之飯含檀弓曰飯用米貝弗忍虛也不以食道用美焉爾士喪禮用生稻米是不以食道也車馬曰賵公羊傳文

三月辛亥葬我小君成風註

無傳及哭成喪故曰葬我

萬曆十九年刊

春秋疏上

二

小君

王使召伯來會葬註

召伯天子卿也召采地伯

爵也來不及葬不譏者不失五月之內○召上

照反

夏公孫敖如晉註

無傳

秦人入郟註

入例在十五年○郟

音若

秋楚人滅六註

六國今廬江六縣○廬力

居反

冬十月甲申許男業卒註

無傳與僖公六同盟

疏與僖公

六同盟○正義曰業以僖五年卽位其年盟于首止八年于泚九年于葵丘十五年于牡丘二十一年于薄二十七年于宋魯

許俱在是六同盟也

傳五年春王使榮叔來會且賵召昭公來會葬禮也

成風莊公之妾天子以夫人禮贈之明母以子貴

故曰禮

疏 成風至曰禮。正義曰傳舉二事以一禮結之則舍贈會葬皆得禮也釋例稱贈

人禮贈之指為贈舍也。初都叛楚即秦又貳於

楚夏秦人入都。六人叛楚即東夷秋楚成大心仲

歸帥師滅六

註 仲歸子家

○冬楚子燮滅蓼

註 蓼國

今安豐蓼縣

○燮息例反蓼音了字或作鄆音同

滅文仲聞六與蓼滅

曰臯陶庭堅不祀忽諸德之不建民之無援哀哉

蓼與六皆臯陶後也傷二國之君不能建德結援大

國忽然而亡。陶音逢。晉陽處父聘于衛及過甯甯嬴

萬曆十九年刊

春秋疏九上

三

從之

註

甯晉邑及郡備武縣也嬴逆旅大夫。音盈。疏

甯晉至大夫。正義曰晉語說此事云舍於逆旅

甯嬴氏註國語者賈逵孔晁皆以甯嬴為掌逆旅之

大夫故杜亦同之劉炫以甯嬴直是逆旅之主非大

夫今刪定知不然者若是逆旅之主則身為匹庶是

卑賤之人猶如重館人告文仲重丘人罵孫蒯止應

稱人而已何得名氏見傳杜以傳載名氏故為逆旅

大夫劉炫以為容舍主人而規杜氏非也。及溫而還其妻問之嬴曰以剛

商書曰沈漸剛克高明柔克。沈漸猶滯溺也高明

猶亢爽也言各當以剛柔勝己本性乃能成全也此

滅六書

沈滯溺為商書

周書。正義曰此傳引周書是洪範之三德也彼說人之三德乃以此言覆之孔安國以此二句為天地

詳起之而而商歌
南風中庸孔子

在西南而而商歌
寤寐詩則

也今往論書法
每政亦有南北

如唐之柳宗元
皆北法也亦與

五名書畫而極
脈絡而而亦與

手而米剛也亦
氣力未入而亦

至骨也

之德故註云沈漸謂地雖柔亦有剛能出金石高明
謂天言天為剛德亦有柔克不于四時杜以傳證人
性即以人事解之沈漸謂人性之沈滯濡溺也高明
謂人性之高亢明爽也滯溺者當以剛勝其本性亢
爽者當以柔勝其本性必自屈矯已乃能成全不然
則沈漸失於弱高明失於剛不能保其身也此文在
洪範今謂之周書箕子商
人所說故傳謂之商書
夫子壹之其不沒乎陽

乎且華而不實怨之所聚也剛則犯人 余懼不獲其利而

而聚怨不可以定身剛則犯人 余懼不獲其利而

離其難是以去之為六年晉殺處父傳 難乃晉

趙成子欒貞子霍伯曰季皆卒成子趙衰新上軍

萬曆十九年刊

春秋疏卷

帥中軍佐也貞子欒枝下軍帥也霍伯先且居中軍

帥也曰季胥臣下軍佐也為六年蒐於夷傳○帥所

同蒐所類反下 疏成子至夷傳○正義曰城濮之戰先軫

求反 郤溱將中軍狐毛狐偃將上軍欒枝胥臣

將下軍晉語云狐毛卒先且居將上軍清原之蒐三

軍如故趙衰箕鄭將新上軍胥嬰先都將新下軍箕

之役先軫死先且居將中軍不知誰代且居將上軍

也此言趙衰新上軍帥中軍佐并舉二官二年彭衙

之役云先且居將中軍趙衰佐之註云
代郤溱是趙衰新上軍帥中軍佐也
夏季孫行父如陳行父季友孫 秋季孫行父如晉

八月乙亥晉侯驩卒再同盟 官反 疏再同盟 正義曰二年

及晉處父盟三年公及
晉侯盟是再同盟也

冬十月公子遂如晉葬晉襄公

卿共葬事文襄之制

也三月而葬速

○共

○共 卿共至葬速 ○正義曰昭
音恭 三十年傳曰先王之制諸侯

之喪士弔大夫送葬昭三年傳曰昔文襄之霸
也其務不煩諸侯君薨大夫弔卿共葬事是也

晉殺其大夫陽處父

處父侵官宜為國討故不言賈

季殺

晉狐射姑出奔狄

射姑狐偃子賈季也奔例

在宣十年 ○射音亦
一音夜

閏月不告月猶朝于廟

諸侯每月必告朔聽政因朝

宗廟文公以閏非常月故闕不告朔怠慢政事雖朝

萬曆十九年刊

春秋學堂

五

于廟則如勿朝故曰猶猶者可止之辭 ○不告月月

不告朔本

或作告月

諸侯至之辭 ○正義曰周禮大史頒

或作朔誤也

諸侯藏之祖廟至朔朝于廟告而受行之論語云子

貢欲去告朔之餼羊是用特羊告於廟謂之告朔人

君即以此日聽視此朔之視謂是也視朔者聽洽此

不視朔僖五年傳曰公既視朔是也視朔者聽洽此

月之政亦謂之聽朔玉藻云天子聽朔於南門之外

是也其日又以禮祭於宗廟謂之朝廟周禮謂之朝

享司尊彝云追享朝享是也其歲首為之則為之朝

也告朔視朔聽朔朝廟朝享朝正二禮各有三名同

日而為之也文公以閏非常月故闕不告朔告朔之
禮大朝廟之禮小文公怠慢政事既不告朔雖朝于
廟則如勿朝故書猶朝于廟言猶以譏之必於月朔
為此告朔聽朔之禮者釋例曰人君者設官分職以
為民極遠細事以全委任之責從諸下以盡知力之

神廟朝事
言天

用摠成敗以效能不執入柄以明誅賞故自非機事皆委心焉誠信足以感事實盡而不擁故受位居職者思効忠善日夜自進而無所顧忌也天下之細事無數一日二日萬端人君之明有所不照人君之力有所不堪則不得不借問近習有時而用之如此則六卿六遂之長雖躬履此事躬造此官當皆移聽於內官迴心於左右政之批亂恒必由此聖人知其不可故簡其節敬其事因月朔朝遷坐正位會羣吏而聽大政考其所行而決其煩疑非徒議將然也乃所以考已然又惡其密聽之亂公也故顯衆以斷之是以上交泰官人以理萬民以察天下以治也文公謂廟則如勿朝故經稱猶朝于廟也經稱告月傳朝于廟則如勿朝故經稱猶朝于廟也經稱告月傳言告朔明告月必以朔也每月之朔必朝於廟因聽政事事敬而禮成故告以特羊然則朝廟朝正告朔視朝皆同日之事所從言之異耳是言聽朝廟廟之義也王藻說天子之禮云聽朔於南門之外諸侯皮弁聽朔於大廟鄭玄以為明堂在國之陽南門之外

萬曆十九年刊

春秋卷九上

六

謂明堂也諸侯告朔以特羊則天子以特牛與天子用特牛告其帝及其神配以文王武王諸侯用特羊告大祖而已社以明堂與祖廟為一但明堂是祭天之處天子告朔雖社之義亦應告人帝朝享即月祭是也祭法云王立七廟曰考廟王考廟皇考廟顯考廟祖考廟皆月祭之二祧享嘗乃止諸侯立五廟曰考廟王考廟皇考廟皆月祭之顯考廟祖考廟享嘗乃止然則天子告朔於明堂朝享於五廟諸侯告朔於太廟朝享自皇考以下三廟耳皆先告朔後朝廟朝廟小於告朔文公廢其大而行其小故云猶朝于廟公羊傳曰猶者可止之辭也天子玄冕以視朝皮弁以日視朝諸侯皮弁以聽朔朝服以月視朝其閏月則聽朔於明堂闔門左扉立於其中聽政於路寢門終月故於文王在門為閏

傳六年春晉蒐于夷舍三軍

註

僖三十一年晉蒐清

原作五軍今舍二軍復三軍之制夷晉地前年四卿

卒故蒐以謀軍帥○舍音捨註同疏傳三至軍帥

帥所類及下同疏○正義曰清原

之蒐五軍十卿有先軫卻秦先且居狐偃樂枝胥臣

趙衰箕鄭胥嬰先都箕之殺先軫死往歲趙衰樂枝

先且居胥臣卒八年傳說此蒐之事云晉侯將登鄭

父先都則卻秦狐偃胥嬰亦先卒矣清原十卿唯有

箕鄭先都在耳故蒐以謀軍帥服虔云使射姑代先

且居趙盾代趙衰也箕鄭將上軍林父佐也先蔑將

下軍先都佐也攻蒐于董趙盾將使狐射姑將中軍

中軍射姑奔狄先克代佐中軍使趙衰也盾趙衰

子○盾徒陽處父至自溫往年聘衛過溫今始至

本反陽處父至自溫易以趙盾為帥射姑佐

禾反攻蒐于董易中軍陽子成季之屬也處父嘗

之河東汾陰縣有董亭陽子成季之屬也

萬曆十九年刊春秋疏七

為趙盾屬大夫疏處父至大夫○正義曰僖三十

年處父已專帥侵蔡則處父之屬成子未有多年故

蓋情素相親而黨於趙氏耳非專以嘗為其屬也故

黨於趙氏且謂趙盾能曰使能國之利也是以上之

宣子於是乎始為國政註宜趙盾諡制事典註典常

也正法罪輕重當○當丁辟刑獄辟猶理也○

婢亦反後同董逋逃董督也○逋補由質要由

者更不音治舊滄○治理滄穢○滄音烏本

用也質要券契也治舊滄又作汙同

本秩禮註貴賤不失其本續常職脩廢官出滯淹

註拔賢能也既成以授大傅陽子與大師賈佗使行

諸晉國以爲常法

註

賈作以公族從文公而不在五

人之數

○大音泰下同佗

疏宣子至常法○正義曰

使有常也○正法罪者準所犯輕重豫爲之法使在後

治之也○董逋逃者舊有逋逃負罪播越者督察追捕

之也○由質要者謂斷爭財之獄用券契正定之也○治

舊誇者國之舊政誇穢不絜理治改正之也○本秩禮

者職有僭踰貴賤相濫本其次秩使如舊也○續常職

之人沈滯田里拔出而官爵之也○此謂所爲制作法

式者豫爲將來使案而遵行臨時決斷者將爲故事

使後人放習故得行諸晉國以爲常法也○註辟猶

理也○正義曰辟訓爲法依法斷決是理治之也○此

與上句所以爲異者○正法罪謂準狀制罪爲將來之

法若今之造律令也○辟獄刑謂有獄未決斷當時之

罪若昭十四年韓宣子命斷舊獄之類是也○註董

督也○正義曰釋詁云董督正也俱訓爲正是董得

爲督謂督察之也○註由用也質要券契○正義曰

周禮小宰以官府之八成經邦治四曰聽稱責以傳

別六曰聽取予以書契七曰聽賣買以質劑鄭衆云

稱責謂貸予以傳別謂券書也○聽訟責者以券書決

之傳傳者約束於文書也○別爲兩兩家各得一也

鄭玄云傳別謂爲大手書於一札中字別之書契謂

出予受入之凡要也○質劑謂兩書一札同而別之長

日質短日劑傳別質劑皆今之券書也○事異其名耳

如彼禮文知質要是契券也○註治理誇穢○正義

曰誇者穢之別名不絜之稱也○法有不便於民事有

不利於國是爲政之誇穢也○治理改正使絜清也○

註賈佗至之數○正義曰晉語宋公孫回云晉公子

長事賈佗又曰賈佗公族也而多識以共敬公子居

則下之動則咨焉是以公族從文公也○尚書周官大

師大傅大保天子三公也○宣十六年傳晉侯請于王

命士會將中軍且爲大傅則大傅尊於中軍之將與

大傅皆爲孤卿也○周禮上公之國有孤一人于制諸

春秋疏左

八

萬曆十九年刊

此詩秦穆公之後
同桓文例且以書
異于桓文也

秦穆公卒于子

侯三卿晉侯爵也而有三軍六卿復有孤一人者晉
為霸主多置羣官共時所須不能如禮孤尊於卿法
由在上故宣子法
成授二孤使行之
○臧文仲以陳衛之睦也欲求好
於陳夏季文子聘于陳且娶焉臣非君命不越竟

故因聘而自為娶○好呼報反娶七住
反竟音境為于偽反
○秦伯任好

卒任好秦穆公名○任
音士
以子車氏之三子奄息仲

行鍼虎為殉子車秦大夫氏也以人從葬為殉○

音居仲本亦作中音仲行戶郎反鍼其廉
反殉似俊反殺人從死曰殉字林弋絹反
皆秦之良

也國人哀之為之賦黃鳥黃鳥詩秦風義取黃鳥

止于棘桑往來得其所傷之良不然○為于偽反下
註為立聲教為

萬曆十九年刊
秦穆公卒
九

作善
言同
君子曰秦穆之不為盟主也宜哉死而棄民先

王違世猶詒之法而况奪之善人乎詩曰人之云亡

邦國殄瘁詩大雅言善人亡則國瘁病○詒以之
反瘁似醉

反無善人之謂若之何奪之古之王者知命之不長

疏古之至不長○正義曰知命之不長知其必將有
死不得長生久視故制法度以遺後人非獨為當

已之世設善法也並建聖哲以下卽位便為之非臨
死始為此也下云衆隸賴之而後卽命言其施行此

事功成乃就死耳非
謂設此法以擬死也
是以並建聖哲建立聖知以

司牧民○王如字一音于
反聖知音智疏建立至牧民○正義
曰此說王者之事或封

為諸侯或置之羣官聖哲
是人之雋者故摠言之耳
樹之風聲因土地風俗

爲立聲教之法

疏 因上至之法。正義曰：漢書地理志云：凡民性有剛柔，緩急聲音不同，繫水土之風氣，故謂之俗。王制云：廣谷大川異制，民生其間者，異俗器械，異制衣服，異宜脩其教，不易其俗，齊其政，不易其宜，故聖王爲教，因其土地風俗，爲立善聲教也。聲教人之所立，故言樹之。今杜云：因土地風俗爲立聲教之法，如杜此言，惟樹以聲而傳云。

樹之風聲而風亦樹者，其實風俗亦是人君教化，故孝經云：移風易俗，孔註尚書云：立其善風，揚其善聲，是也。
分之采物 **註** 旌旗衣服各有分制。○分扶問。反註同。**疏** 旌旗至分制。○正義曰：采物謂采章物色，旌旗衣服尊卑不同，名位高下各有品制，天子所有分而與之，故云：分之定，四年傳稱分魯公。以大路大旂之類皆是也。作善言遺戒。○話戶。**疏** 話善至遺戒。○正義曰：著杖反。

著之話言

疏 話善至遺戒。○正義曰：著杖反。之話言爲作善言遺戒著於

萬曆十九年刊

春秋經年

竹帛故言

爲之律度

疏 鍾律度量所以治歷明時。○

音**疏** 鍾律至明時。○正義曰：周語云：先王之制鍾亮也。律度量衡於是乎生，小大器用於是乎出。又曰：古之神瞽考中聲而量之，以制度律均鍾，百官軌儀，其意言度律之聲以爲鍾之均，於鍾律取法爲度量衡也。故漢書律歷志云：推歷生律，莫不用焉。度量衡皆出於黃鍾之律也。度者分寸尺丈引，所以度長短也。本起於黃鍾之長，以子穀秬黍之中者一黍爲一度，之九十黃鍾之長一黍爲一分，十分爲寸，十寸爲尺，十尺爲丈，十丈爲引，而五度審矣。量者，侖合升斗斛，所以量多少也。本起於黃鍾之侖，以子穀秬黍中者千有二百實其侖，合侖爲合，十合爲升，十升爲斗，十斗爲斛，而五量嘉矣。權者，銖兩斤鈞石，所以稱輕重也。本起黃鍾之重，一侖容千二百黍，重十二銖兩之爲兩，十六兩爲斤，三十斤爲鈞，四鈞爲石，而五衡謹矣。權衡一物，衡平也，權重也，稱上謂之衡，稱鍾謂之權，所從言之異耳。其鍾者亦起於律，故服虔云

鳧氏爲鍾各自計律倍而半之黃鍾之管長九寸則黃鍾之鍾長二尺二寸半餘鍾亦各自計律倍而半之度量衡其本俱出於律傳言律度計言度量其言不及衡者文雖不足理實兼之易革卦象云君子以治歷明時此律度量衡皆推歷爲之

爲此法以教天下使之明四時也

陳之藝極註藝準也極中也貢獻多少之法傳曰貢之無藝又曰貢

獻無極疏藝準至無極○正義曰藝是準限極是中正制貢賦多少之法立其準限中正使

不多不少陳之以示民故言陳之所引

傳曰及又曰皆昭十三年子產辭也

引之表儀註引道也表儀猶威儀○道音疏引道至威儀○正

道也表章儀節故猶威儀也威儀禮則王者制

之以道民言引之道之不用重文故異之也

予之

法制告之訓典註訓典先王之書疏訓典先王之

書○正義曰訓

典先王之書教訓之典取其言以語之故言告

之法制謂王者身自制作已之所有故言予之

教之

防利註防惡興利疏防惡興利○正義曰防者防

利故爲興利傳言防利於文不足互見以曉人也此最爲急故特言教之

萬曆十九年刊

春秋疏卷五

士

言委之常秩謂職掌位次故爲官司之常職

道之以禮則使毋失其土宜

衆隸賴之而後卽命註卽就也

聖王同之今縱無法

以遺後嗣而又收其良以死難以在上矣君子是以

知秦之不復東征也註不能復征討東方諸侯爲霸

主○遺雅季及復扶又反註同○秋季文子將聘於晉使求遭喪

之禮以行

註季文子季孫行父也聞晉侯疾故

疏

考其情氣程其
音字字妙此書
請書訣也

文至疾故○正義曰劉炫以為聘使之法自須造遭喪之禮而行防其未然也非是聞晉侯有疾今知不然者依聘禮出使唯以幣物而行無別齋遭喪之禮若主國有凶則臨時辦備今文子聘晉特求遭喪之禮出聘之後晉侯遂卒考其情氣有異尋常聞晉侯之疾何為不可劉炫以不聞晉侯之疾而規杜氏恐非其

義也其人曰將焉用之

註其人從者○焉於虔反文從才用反

子曰備豫不虞古之善教也求而無之實難

註難卒

得○卒寸 勿反 過求何害

註所謂文子三思○三息 暫反 ○八

月乙亥晉襄公卒靈公少晉人以難故欲立長君

立少君恐有難

註少詩昭反註同難乃旦反註

趙孟

萬曆十九年刊

春秋疏卷七

七

曰立公子雍

註趙孟趙盾也公子雍文公子襄公庶弟杜祁之子

好善而長先君愛之且近於秦秦舊好

也置善則固事長則順立愛則孝結舊則安為難故

故欲立長君有此四德者難必抒矣

註抒除也○抒呼報

反下皆同近附近之近

註抒除也○正義曰字有聲相近而為訓者鬼之為

言歸也春之為言蠢也其類多矣抒聲近除故為除也服虔作舒舒緩也

公子樂

註樂文公子○樂音岳 一音洛

辰嬴嬖於二君

嬴懷嬴也二君懷公文公也○嬖必立其子民必安

之趙孟曰辰嬴賤班在九人

註班位也 其子何震之

有註震威也 且爲二嬖淫也爲先君子不能求大而

出在小國辟也母淫子辟無威陳小而遠無援將何

安焉杜祁以君故讓偏姑而上之註杜祁杜伯之後

祁姓也偏姑姑姓之女生襄公爲世子故杜祁讓使

在已上○辟匹亦反又作辟下同祁巨之疏偏姑○

反偏彼力反姑其吉反又其乙反正義曰

譜以偏爲國名以狄故讓季隗而已次之故班在四

註以季隗是文公託狄時妻故復讓之然則杜祁本

班在二○隗五罪反復扶先君是以愛其子而仕諸

又反下將復怨同亞於秦大

秦爲亞卿焉註亞次也言其賢故位尊○亞於

嫁反

萬曆十九年刊 春秋經左

三

而近足以爲援母義子愛足以威民立之不亦可乎

使先蔑士會如秦逆公子雍註先蔑士伯也士會隨

季也 賈季亦使召公子樂于陳趙孟使殺諸祁註祁

晉地○祁婢支反○賈季怨陽子之易其班也註本中軍

帥易以爲佐○帥所類反 而知其無援於晉也註少

族多怨 九月賈季使續鞫居殺陽處父註鞫居狐氏

之族 書曰晉殺其大夫侵官也註君已命帥處父易

之故曰侵官 ○冬十月襄仲如晉葬襄公○十一月

丙寅晉殺續簡伯註簡伯續鞫居十一月無丙寅丙

寅十二月八日也日月必有誤

賈季奔狄宣子使史

駢送其帑

帑妻子也宣子以賈季中軍之佐同官

故○史羊朱反駢蒲賢疏帑妻子也○正義曰詩

反又蒲丁反帑音奴疏云樂爾妻帑文已有妻故

毛傳以帑爲子此傳無妻故杜并妻言之帑者細弱

之號妻子俱得稱之傳稱以害鳥帑鳥尾猶尚稱帑

凡妻子也說文云帑金幣所藏夷之蒐賈季戮史駢

字書帑從子經傳妻帑亦從巾

史駢之人欲盡殺賈氏以報焉史駢曰不可吾聞前

志有之曰敵惠敵怨不在後嗣忠之道也疏敵猶對

也若及子孫則爲非對非對則爲遷怒○盡津疏敵

至之道○正義曰敵惠謂有惠於彼不可望彼人之

子報敵怨謂有怨於彼不可備彼人之子父祖受人

之惠子孫自可不忘要有恩於其父祖不可求報於

彼子孫子孫或有不知乃是更復長怨故惠怨皆不

在後是爲忠夫子禮於賈季我以其寵報私怨無乃

怨之道也

不可乎言已蒙宣子寵位介人之寵非勇也介

因也○介音界損怨益仇非知也殺季家欲以除怨宜

子將復怨已是益仇○知音智以私害公非忠也釋此三

者何以事夫子盡具其帑與其器用財賄親帥扞之

送致諸竟扞衛也○扞戶旦○閏月不告朔非禮

也經稱告月傳稱告朔明告月必以朔閏以正時

四時漸差則致閏以正之時以作事順時命事

春秋卷之五

十四

萬曆十九年九月

事以厚生

事不失時則年豐

生民之道於是乎

矣不告閏朔棄時政也何以爲民

爲民如字治也或音于僞反

非也

經七年春公伐邾

三月甲戌取須句

須句魯之封內屬國也僖公反其君之後邾復滅之書取易也例在襄十三年○須句

其俱反

復扶又反遂城部

無傳因伐邾帥以城部部魯邑

易以豉反邾縣南有部城備邾難○部音吾

夏四月宋公王臣卒

二年與魯大夫盟於垂隴○王如字

萬曆十九年刊

春秋疏

五

又往疏二年至垂隴○正義曰王臣以僖二十四

方反年卽位與僖盟于踐土翟泉今唯言垂隴據

宋人殺其大夫

宋人攻昭公并殺二大夫故以非罪書

戊子晉人及秦人戰于令狐

趙盾廢嫡而外求君故

敗稱人晉諱背先蔑而夜薄秦師以戰告○令力呈

及嫡本又

晉先蔑奔秦

不言出在外奔

狄侵我西鄙

秋八月公會諸侯晉大夫盟于扈

扈鄭地滎陽卷縣

西北有扈亭不分別書會人摠言諸侯晉大夫盟者
公後會而分其盟○扈音戶卷音權又
丘權反別彼列反

冬徐伐莒註

不書將帥徐夷告辭略○將子匠反
帥所類反

公孫

敖如莒涖盟

○涖音利
又音類

傳七年春公伐邾間晉難也註

公因霸國有難而侵

水○間間廁之間或如

字難乃旦反註同

○三月甲戌取須句寘文公

子焉非禮也註

邾文公子叛在魯故公使為守須句

大夫也絕大暉之祀以與鄰國叛臣故曰非禮○寘

之豉

反下同大音
秦皞戶老反

○夏四月宋成公卒於是公子成爲右

萬曆十九年刊

春秋疏卷九

十六

師註

莊公子

公孫友爲左師註

目夷子

樂豫爲司馬

註戴公玄孫

鱗矐爲司徒註

桓公孫○矐古

疏註戴

孫鱗矐桓公孫○正義曰世本戴公生樂甫術術生

碩甫澤澤生季甫甫生子僕伊與樂豫是也世本又

云桓公生公子鱗

鱗生東鄉矐是也

公子蕩爲司城註

公名廢司空爲司城

華御事爲司寇註

華元父也傳

言六卿皆公族昭公不親信之所以致亂○御魚呂

反本又作

同禦音

昭公將去羣公子樂豫曰不可公族公室之枝

葉也若去之則本根無所庇廕矣葛藟猶能庇其本

根註

葛之能藟蔓繁滋者以本枝廕蔭之多○去起

呂反下

及註同庇必利反又悲位反下同陸本又作陸
反藟本或作藟力軌反藟音萬麻許求反又作庇
類龜 **故君子以爲比** 謂詩人取以喻九族兄弟

必爾 疏 葛藟至爲比 ○ 正義曰此引葛藟王風葛藟
反 疏 之篇也彼毛傳以之爲興此云君子以爲比
者但比之隱者謂之興興之顯者謂之比比之與興
深淺爲異耳此傳近取庇根理淺故以爲比毛意遠
取河潤義深故以爲興 **况國君乎此諺所謂庇焉而**
由意不同故比興異耳

縱尋斧焉者也 縱放也 **必不可君其圖之親之以**

德皆股肱也誰敢攜貳若之何去之不聽穆襄之族

率國人以攻公 穆公襄公之子孫昭公所欲去者

殺公孫固公孫鄭于公宮 二子在公宮故爲亂兵

萬曆十九年刊

春秋疏十五

十七

所殺

疏 二子至所殺 ○ 正義曰經書宋人殺其大
夫傳言不稱名非其罪則此二子名氏當見

於經亦卿官也傳二十二年傳稱大司馬固於時又
有司馬子魚上文樂豫爲司馬下云六卿和公室六
卿之外有此二子蓋是孤卿之官也宋是 **六卿和公**
上公禮得有孤且春秋之時不必知禮

室樂豫舍司馬以讓公子卬 卬昭公弟 ○ 舍音捨 下同卬五

反 **昭公卽位而葬書曰宋人殺其大夫不稱名衆也**

且言非其罪也 不稱殺者及死者名殺者衆故名

不可知死者無罪則例不稱名 疏 不稱至稱名 ○
正義曰傳云不稱

名怪殺者死者並不名也又言衆也解殺者不名言
殺者衆多其名不可知也且言非其罪也解死者不
名言死者無罪則於例不稱名也此傳言書曰是仲
尼新意殺大夫有例無凡故每言書曰所謂曲而暢

之也此言死者無罪故不稱名則被殺書名皆為有罪故諸是大夫被殺書名者杜皆言其罪狀止以此傳為例故也釋例曰大臣相殺死者無罪則兩稱名氏以示殺者之罪王札子殺召伯毛伯是也若死者有罪則不稱殺者名氏晉殺其大夫陽處父是也若為賊者衆因亂而殺則亦稱國人殺者主名不分故也主名不分死者雖名氏可知亦隨而去之嫌於罪死者也士殺大夫則書曰盜盜殺鄭公子駢公子發公孫輔是也若然宋之穆襄之族既非六卿於例名氏不見亦應書盜而不言盜者彼殺鄭卿知是尉止司臣之類故書盜以惡其人此則不得主名書盜不知所惡故不書其盜耳若知其人則亦書盜也

○秦康公送公子雍于晉曰文公之入也無衛故有

呂卻之難信二十四年文公入○難乃乃多與之且反

徒衛穆嬴日抱大子以啼于朝曰先君何罪其嗣亦

萬曆十九年刊
春秋疏上卷
十八

何罪舍適嗣不立而外求君將焉寘此穆嬴襄公

夫人靈公母也○嬴音盈適本又作嫡同丁歷反將焉於處及下焉用同出朝則

抱以適趙氏頓首於宣子曰先君奉此子也而屬諸

子曰此子也才吾受子之賜不才吾唯子之怨欲

使宣子教訓之○屬音燭今君雖終言猶在耳在宣子

之耳而棄之若何宣子與諸大夫皆患穆嬴且畏偪

畏國人以大義來偪已○偪彼乃背先蔑而立靈

公以禦秦師箕鄭居守趙盾將中軍先克佐之克

先且居子代狐射姑○背音佩箕音基守手又反荀
下註同將子匠反下註同

林父佐上軍

註箕鄭將上軍居守故佐獨行

先蔑將

下軍先都佐之步招御戎戎津爲右及董陰

註先蔑

士會逆公子雍前還晉晉人始以逆雍出軍卒然變

計立靈公故車右戎御猶在職董陰晉地

註○招上逞

一音斬卒

註疏

先蔑至晉地○正義曰諸言御戎爲

寸忽反右皆是君之御右知此步招戎津始以

逆雍出軍此櫛爲雍之御右也陳立靈公故御右猶

在職也十二年河曲之戰傳稱范無恤御戎註云代

步招晉君不行有御戎者成二年楚令尹子重爲揚

橋之役王卒盡行彭名御戎註云王卒盡行故王戎

車亦行然則河曲之戰亦公卒盡行公之戎車亦行

故御戎在職也此時未至令狐令狐猶是晉地知董

陰亦是晉地也宣子曰我若受秦秦則賔也不受寇也既不

受矣而復緩師秦將生心先人有奪人之心註奪敵

之戰心也○復扶又反先悉薦反又有奪人軍之善

謀也逐寇如追逃軍之善政也訓卒利兵秣馬蓐食

潛師夜起註蓐是早食於寢蓐也○卒子忽反秣音未蓐音辱

春秋疏卷五

十九

萬曆十九年刊

苦胡

子敗秦師于令狐至于刳首已丑先蔑奔秦士會從

之註從刳首去也令狐在河東當與刳首相接○刳

反先蔑之使也荀林父止之曰夫人大子猶在而外

求君此必不行子以疾辭若何不然將及註禍將及

已○使所

攝卿以往可也何必子同官爲寮吾嘗同

察敢不盡心乎弗聽爲賦板之三章

板詩六卷其

三章義取芻蕘之言猶不可忽况同察乎僖二十八

年林父將中行先蔑將左行○察本又作僚力影反

芻初俱反蕘音饒又弗聽及云荀伯盡送其帑及其

行戶郎反下同器用財賄於秦曰爲同察故也

荀伯林父士會在

秦三年不見士伯

士伯先蔑

其人曰能亡人於國

言能與人俱亡於晉國不能見於此焉用之

何

用如此士季曰吾與之同罪

俱有迎公子雍之罪

非義之也將何見焉

言已非慕先蔑之義而從之

萬曆十九年刊

春秋疏十九

三十

及歸遂不見

責先蔑爲正卿而不匡諫且俱出奔

惡有黨也士會歸在十三年○惡烏狄侵我西鄙

公使告于晉趙宣子使因賈季問酈舒且讓之

酈

舒狄相讓其伐魯○酈若忠反酈舒問於賈季曰趙

衰趙盾孰賢對曰趙衰冬日之日也趙盾夏日之日

也

冬、日可愛夏日可畏

秋八月齊侯宋公衛侯陳侯

鄭伯許男曹伯會晉趙盾盟于扈晉侯立故也公後

至故不書所會凡會諸侯不書所會後也

不書所

會謂不具列公侯及卿大夫後至不書其國辟不敏

也

傳還自釋凡例之意

凡會至不敏○正義曰僖十四年諸侯城

緣陵傳曰不書其人有闕也十五年諸侯盟于扈傳曰書曰諸侯無功也然則摠稱諸侯皆是罪諸侯也此摠

稱諸侯不稱所會為公後也傳還自釋凡例云後至不書其國者辟不敏也不敏猶不達也諸國皆在公

獨後至是公不達於事辟公之不達於事諱公罪而歸責於諸侯者若言諸侯無功然

故貶諸侯而摠之所以辟公取也

○穆伯娶于莒曰

戴已生文伯其娣聲已生惠叔

穆伯公孫敖也文

伯穀也惠叔難也○已音紀一音杞娣

戴已卒又聘

于莒莒人以聲已辭則為襄仲聘焉

襄仲公孫敖

從父昆弟○為于偽反且為自為同冬徐伐莒莒人來請盟

見

萬曆十九年刊

春秋疏十九

三十一

伐故欲結援

穆伯如莒泣盟且為仲逆及鄆陵登城

見之美

鄆陵莒邑○鄆於晚反

自為娶之仲請攻之公

將許之叔仲惠伯諫

惠伯叔牙孫

曰臣聞之兵作

於內為亂於外為寇寇猶及人亂自及也今臣作亂

而君不禁以啓寇讎若之何公止之惠伯成之

平

二子

使仲舍之

舍不娶

舍音

公孫敖反之

莒女

復為兄弟如初從之

拾註同

為明年公孫敖奔莒傳

○復音服又失又反

○晉卻缺言於趙宣子曰日衛不睦故取

其地

日往日取衛地在元年

今已睦矣可以歸之

古火而書元是疑
壞不可復理其理
在簡牘及人書
固以書爲二成局
則未始字史言
者捕獲之耳而謂
心勞日拙者也

叛而不討何以示威服而不柔何以示懷柔安也

非威非懷何以示德無德何以主盟子爲正卿以主

諸侯而不務德將若之何夏書曰逸書戒之用休

有休則戒之以勿休○休許糾董督董之用威董督

也有罪則督之以威刑反註同勸之以九歌勿使壞九功之

德皆可歌也謂之九歌六府三事夏書至三事○正義曰此虞書

大禹謨之文也以其夏禹之言故傳謂之夏書勿使

壞以上文皆彼正文唯彼言俾勿壞俾亦使也一字別

耳彼上文云水火金木土穀惟修正德利用厚生惟

和九功惟叙九叙惟歌乃次此辭下云帝曰六府三

事允治卻缺令宣子修德行禮使人歌樂謂之九功

故先引勸之以九歌然後卻言六府三事謂之九功

萬曆十九年刊春秋疏上卷 三十一

水火金木土穀謂之六府正德利用厚生謂之三事

義而行之謂之得禮德正德也禮以制財用之節

又以厚生民之命無禮不樂所由叛也○無禮至叛

曰在上爲政無禮則也○正義民不樂是叛之所由

若吾子之德莫可歌也其誰來

之音洛來猶歸也蓋使睦者歌吾子乎宣子說之

爲明年晉歸鄭衛田張本○蓋戶疏爲明至張

臘反本○正義曰鄭往前侵衛田今晉令鄭歸還衛田也言歸鄭衛田

者謂晉歸以鄭所取衛田故杜下註云匡本衛邑中

屬鄭令鄭還衛是也然晉亦還衛田獨言鄭還衛田

者以鄭歸衛田爲主遂畧之劉炫以爲歸鄭及歸衛

田怪傳文歸衛不歸鄭而規杜氏非也

經八年春王正月

夏四月

秋八月戊申天王崩

冬十月壬午公子遂會晉趙盾盟于衡雍註壬午月五

日○雍於

用反

乙酉公子遂會雒戎盟于暴註乙酉月八日也暴鄭地

公子遂不受命而盟宜去族善其解國患故稱公子

以貴之○會雒戎本或作伊雒之戎此後人疏乙

妄取傳文加耳雒音洛去起呂反

疏乙酉至

貴之○正義曰以壬午乙酉相去四日其間不容報

君見其專命之意故註詳其日也衡雍鄭地知暴亦

萬曆十九年刊
春秋疏十九

十三

鄭地臣無專命之義故鞏弱皆去其族也此公子遂

不受君命因事遂行輒與戎盟宜去其族傳言書曰

公子遂珍之是善其解國患故稱公子以貴之也釋

例曰人臣受命不受辭出竟有可以利社稷者專之

可也故襄仲始盟趙盾遂盟伊洛之戎四日

之間經再書公子不可以遂事常辭顯之也

公孫敖如京師不至而復丙戌奔莒註不言出受命而

出自外行
無傳為災故書

宋人殺其大夫司馬司城來奔註司馬死不舍節司

城奉身而退故皆書官而不名貴之音舍

傳八年春晉侯使解揚歸匡戚之田于衛註匡本衛

邑中屬鄭孔達伐不能克今晉令鄭還衛及其田

皆見元年○解音蟹中丁仲反今且復致公壻池之

鄭力呈反見賢遍反

封自申至于虎牢之竟

公壻池晉君女壻又取衛

地以封之今并還衛也申鄭地傳言趙盾所以能相

幼主而盟諸侯○復扶又反壻音細俗作婿疏公

竟音境下註同相息亮反

壻至

諸侯○正義曰釋親云女子之夫為壻傳稱公壻知

是晉君之女壻池其名也杜以上言歸匡戚之田于

衛又言且復致則晉亦致于衛故言又取衛地以封

之今并還衛也劉炫云服虔以為致之于鄭以服言

是規杜已釋之○夏秦人伐晉取武城以報合狐之役

萬曆十九年刊

春秋疏十五

十四

晉人以扈之盟來討前年盟扈公後至○冬襄仲

會晉趙孟盟于衡雍報扈之盟也遂會伊雒之戎

伊雒之戎將伐魯公子遂不及復君故專命與之盟

書曰公子遂珍之也珍貴也大夫出竟有可以安

社稷利國家者專之可也疏曰傳多言貴之而此言

珍之事同而文異故以珍為貴也大

夫出竟以下皆莊十九年公羊傳文○穆伯如周弔

喪不至以幣奔莒從已氏焉已氏莒氏○宋襄夫

人襄王之姊也昭公不禮焉昭公適祖母○適下
夫人因戴氏之族華樂皇皆戴族以殺襄公之孫

秦人伐晉

孔叔公孫鍾離及大司馬公子卬皆昭公之黨也司

馬握節以死故書以官註節國之符信也握之以死

示不廢命疏節國至廢命○正義曰周禮掌節掌

都鄙者用角節鄭玄云玉節有五則典瑞云穀圭以

和難以聘女帛璋以起軍旅以治兵守珍圭以徵守

以恤凶荒琬圭以治德以結好琰圭以易行以除慝

其角節鄭註云未聞此司馬司城以事在官蓋執此

等之玉節小行人云守都鄙者用管節此司馬司城

或食采地節都鄙之主此節或是管節也掌節又云

山國用虎節土國用人節澤國用龍節鄭註云鑄金

為之謂王使之使於土國之等掌節又云門關用符

節貨賄用璽節道路用旌節鄭玄云門關者謂司門

司關也道路者謂天子之鄉遂大夫也其諸侯之國

及門關鄉遂亦有節小行人云山國用虎節土國用

人節澤國用龍節謂已是山澤之國出使用龍虎之

節小行人又云道路用旌節門關用符節都鄙用管

節鄭註云道路謂諸侯鄉遂及諸侯司門司關都鄙

之等也今之為官授以此節今握節以死示已不廢

命也此夫人殺而經書宋人殺其大夫者夫與君
共有國家尊與君同不得為兩下相殺故同國討之
文雖同國討稱人實非國討之例以其死者不稱人
無罪故也司城蕩意諸來奔效節於府人而出註效猶致
也意諸公子蕩之孫○效戶教反公以其官逆之皆復之

亦書以官皆貴之也註卿違從大夫公賢其效節故

以本官逆之請宋而復之司城官屬悉來奔故言皆

復疏卿違至皆復○正義曰卿違從大夫昭七年

不敢帶官而逃公賢其效節故以本官逆之為是書
宋司城來奔善其人故書其官也請宋復之事在十

一年一人不得言皆知司城官屬悉與皆復也

○夷之蒐晉侯將登箕鄭父

先都

登之於上軍也夷蒐在六年

疏 登之至六年 正義曰

清原之蒐箕鄭佐新上軍先都佐新下軍二人先為卿也而復欲登之知登於上軍也然則七年令狐之戰傳歷言諸軍將佐箕鄭將上軍先都佐下軍先都不登容可怨恨箕鄭不失其登而亦共作亂者蓋先克之薦狐趙并亦請退箕鄭先都於時即佐下軍箕鄭雖得不退因此意望以成小憾及狐射姑出奔箕鄭位次宜佐中軍而先克代射而使士穀梁益姑箕鄭守其故職蓋以此而恨也

耳將中軍

士穀本司空○穀戶木反 將子匠反

先克曰狐趙

之勳不可廢也從之

狐偃趙衰有從亡之勳○從 亡才

用先克奪蒯得田于董陰

七年晉禦秦師於董陰

萬曆十九年刊

春秋經年

二十六

以軍事奪其田也先克中軍佐

蒯苦 贖反

故箕鄭父先

都士穀梁益耳蒯得作亂

為明年殺先克張本○為

于偽 反

經九年春毛伯來求金

求金以共葬事雖踰年而未

葬故不稱王使○共音恭本 亦作供下同

夫人姜氏如齊

無傳歸寧

二月叔孫得臣如京師辛丑葬襄王

卿共葬事禮也

疏

卿共葬事禮也○正義曰言禮者以明天子之喪卿弔卿會葬諸侯不親行也釋例曰萬國之數

至衆封疆之守至重故天王之喪諸侯不得越竟而奔脩服於其國卿共弔送之禮既葬卒哭而除凶魯

侯無故而穆伯如周弔爲此天子崩諸侯遣卿弔送之經傳也杜以往年穆伯弔喪今令會葬二事傳無譏文知其禮當然也昭三十年傳鄭游吉云靈王之喪我先君簡公在楚似不在楚卿當親行而言禮不親者彼言由君在楚上卿守國故使少卿印毀往耳言君當親行也

晉人殺其大夫先都

註 下軍佐也以作亂討故書名

三月夫人姜氏至自齊

註 無傳告于廟 疏 夫人至自齊 ○正義曰蘇

氏云夫人歸寧書至唯有此耳餘不書者或禮儀不備或淫縱不告廟也

晉人殺其大夫士穀及箕鄭父

註 與先都同罪也

楚人伐鄭

註 楚子師於狼淵不親伐

公子遂會晉人宋人衛人許人救鄭

萬曆十九年刊

春秋疏左

三七

夏狄侵齊

註 無傳

秋八月曹伯襄卒

註 無傳七年同盟于扈

疏 七年同盟于扈 ○

正義曰襄以僖八年即位其年盟于泚九年于葵丘十五年于牡丘二十一年于薄今唯言于扈據文公

之言

九月癸酉地震

註 無傳地道安靜以動爲異故書

疏 地

道至故書○正義曰穀梁傳曰震動也公羊傳曰震者何動地也何休云傳先言動者喻若物之動地以曉人也周語伯陽父曰陽伏而不能出陰迫而不能丞遂於是地地震孔晁云陽氣伏於陰下見迫於陰故不能升以至於地動是地道安靜以動爲異也

冬楚子使椒來聘

註 稱君以使大夫其禮辭與中國同

椒不書氏史略文

疏

稱君至略文。十二年荆人來聘不稱楚子使

某至此稱君以使大夫其禮與中國同其禮既同椒亦宜書其某氏今不書氏傳無貶文皆是史辭自略無義例也釋例曰楚殺得臣與宜申賈氏皆以為陋案楚殺大夫公子側成熊之等六七十人皆稱氏族無為獨於此二人陋也斯蓋非史策舊法故無凡例當時諸國以意而起其自來聘使者辭有詳略仲尼脩春秋因采以示義義之所起則刊而正之不者即而示之不皆刊正也諸侯之卿當以名氏備書於經其加貶損則直稱人若有褒異則或稱官或未賜族或時無褒無貶傳所不發者則皆就舊文或未賜族或時有許略也推尋經文自莊公以上諸統君者皆不書氏閔公以下皆書氏亦不足以明時史之同異非仲尼所皆貶也

秦人來歸僖公成風之祿

衣服曰祿秦辟陋故不稱

舊曆十九年刊

春秋疏卷九上

天

使不稱夫人從來者辭

○祿音途說文作稅云賄終者衣被曰祿以此祿為衣死

人衣辟**疏**曰衣服至者辭○正義曰隱元年公羊傳亦反曰衣被曰祿穀梁傳曰衣衾曰祿禮稱祿者君使臣致服故云衣服曰祿曰秦處西戎其國辟陋故不稱君使猶楚在莊世稱荆人來聘也成風夫人也來者不言夫人從來者之辭也先言僖公僖公先變也

葬曹共公

無傳。○共音恭

傳九年春王正月己酉使賊殺先克

箕鄭等所使

也亂殺先克不赴故不書

乙丑晉人殺先都梁益耳

乙丑正月十九日經書三月從告

○毛伯衛來求

金非禮也

天子不私求財故曰非禮

不書王命未

正亦不足以

葬也○二月莊叔如周葬襄王

莊叔如周葬襄王

經者嫌莊叔別以他事使周葬王更使人會故明之

○三月甲戌晉人殺箕鄭

父士穀崩得

梁益耳崩得不書皆非卿

梁益至非卿

○正義曰士穀書經則是卿也七年令狐之戰二軍將佐無士穀十二年河曲之戰三軍將佐杜註無代士穀者而士穀得為卿者先蔑奔秦傳無其代十二年樂盾將下軍註云代先蔑者據傳成文言之耳未必不是士穀代先蔑樂盾代士穀也箕鄭上軍將也傳文先箕鄭後士穀士穀若將下軍則是位之次也其事似然或者晉將佐之外猶別有散位從卿若卻缺趙穿之類也傳箕鄭先士穀經士穀先箕鄭者經以殺之先後傳以位次序列傳崩得居下知其以位次也賈逵云箕鄭稱及非首謀按襄二十三年陳殺其大夫慶虎及慶寅杜云言及史異辭無義例則此亦然也

○范山言於楚子曰

萬曆十九年刊

春秋疏卷

无

晉君少不在諸侯北方可圖也

范山楚大夫○少

反下 楚子師于狼淵以伐鄭

陳師狼淵為伐鄭援

註同 也潁川潁陰縣西有狼陂

皮反 囚公子堅公子尤

及樂耳

三子鄭大夫○有莫

鄭及楚平○公子遂

會晉趙盾宋華耦衛孔達許大夫救鄭不及楚師卿

不書緩也以懲不恪

華耦華父督曾孫公子遂獨

不在貶者諸魯事自非指為其國褒貶則皆從國史

不同之於他國此春秋大意他皆放此○懲直升反

于偽 疏 華耦至放此○正義曰在禮卿不會公侯

反 會則貶之稱人元年公孫敖會晉侯于戚文

若此字可奪則本
我之文其在書史
世疑而世尚同神

恪苦各反為

此書晉書卷之三

無所貶此公子遂與諸國同行諸卿皆貶遂獨不貶諸如此類莫不盡然知諸於魯事自非指為其國褒貶皆從魯史以其體例已舉不假改正故也 ○夏楚侵陳克壺丘註 壺丘

陳邑以其服於晉也 ○秋楚公子朱自東夷伐陳註

子朱息公也 陳人敗之獲公子棧陳懼乃及楚平註

以小勝大故懼而請平也傳言晉君少楚陵中國明年所以有厥貉之會 ○棧扶廢反 ○冬楚子越椒來

聘執幣傲註 子越椒令尹子文從子傲不敬 ○傲五

下同從 叔仲惠伯曰是必滅若敖氏之宗傲其先君才用反

神弗福也註 十二年傳曰先君之傲器使下臣致諸

萬曆十九年刊

春秋疏卷五

三

執事明奉使皆告廟故言傲其先君也為宣四年楚

滅若敖氏張本 ○敖五刀反 ○秦人來歸僖公成風

之祿禮也註 秦慕諸夏欲通敬於魯邇有翟泉之盟故追贈僖公并及成風本非魯方嶽同盟無相赴弔

之制故不議其緩而以接好為禮 ○夏戶雅反嶽音岳好呼報反下文

同諸侯相弔賀也雖不當事苟有禮焉書也以無忘

舊好註 途死不及尸故曰不當事書者書於典策垂

示子孫使無忘過厚之好疏 諸侯至舊好 ○正義曰

此雖廣言諸侯主為秦人發傳隱元年王使來賙尚譏其緩若是同盟之國

必譏其緩可知釋例曰秦之與魯本非方嶽同盟魯

此均註國文略明

堯不赴秦秦不開魯自是其常也信穆二公雖有同盟之義二君已卒則二子不得用同盟之禮也今秦康公遠慕諸華欲通敬於魯無以為辭因翟泉有盟追贈信公并及成風假弔禮而行故曰禮也途死不厚之好也是言此傳主為秦也信公成風服除又矣今始來弔贈當以變禮待之檀弓曰衛將軍文子之喪既除喪而後越人來弔主人深衣練冠待於廟垂涕洟子游曰將軍文氏之子其庶幾乎亡於禮者之禮也其動也中是古有以服終來弔者何休膏首云禮主於敬一使兼二喪又於禮既緩而左氏以之為禮非也鄭箴云若以為緩按禮衛將軍文子之喪既除喪而越人來弔子游何得善之是鄭不非其緩也若譏一使兼二禮雜記諸侯弔禮有舍襚開臨何以一使兼行

經十年春王三月辛卯臧孫辰卒

無傳公與小斂故

萬曆十九年刊

春秋疏卷七

三

書日○與音預

斂力驗反

夏秦伐晉

不稱將帥告辭略○將子匠反帥所類反

楚殺其大夫宜申

宜申子西也謀弑君故書名

自正月不雨至于秋七月

無傳義與二年同

及蘇子盟于女栗

女栗地名闕蘇子周卿士頃王新

立故與魯盟親諸侯也○女音汝一音

如字頃音傾

冬狄侵宋

無傳

楚子蔡侯次于厥貉

厥貉地名闕將伐宋而未行故

書文

傳十年春晉人伐秦取少梁

少梁馮翊夏陽縣

商昭反下註夏秦伯伐晉取北徵

報少梁○徵如字三蒼

同夏戶雅反

○初楚范巫裔似

裔似范邑之巫裔一音張里反

必反

謂成王與子玉子西曰三君皆將強死

強死○正義曰強健也

城濮之役王思之故使止子

玉曰母死不及止子西子西縊而縣絕

在僖二十

八年○強其丈反濮音卜母

王使適至遂止之使爲

商公

商楚邑今上維商縣○王使所

泚漢沂江將

入郢

泚順流沂逆流○公悅專反沂息路反

郢以井反又以政反

萬曆十九年刊

春秋左

卷

順流沂逆流○正義曰商在漢水北漢水東流而南

入江子西既至商邑聞讒不敢居商縣公漢水順流

而下至江乃沂流逆上渚宮當郢都之南故王

王在

渚宮

小洲曰渚○渚章呂反水中可居者曰洲洲音州

下見之懼而

辭曰臣免於死又有讒言謂臣將逃臣歸死於司敗

陳楚名司寇爲司敗子西畏讒言不取之商縣

也

陳楚名司寇爲司敗○正義曰言歸死於司敗

王使爲工尹

掌百工之官又與子家謀弑穆王

穆王聞之五月殺鬬宜申及仲歸

非卿

○秋七月及蘇子盟于女栗頃王立故也

十年狄滅溫蘇子奔衛今復見蓋王復之○復扶又

反見賢遍

反陳侯鄭伯會楚子于息冬遂及蔡侯次于厥貉

陳鄭及宋麋子不書者宋鄭執卑苟免為楚僕任受

役於司馬麋子取之遂逃而歸三君失位降爵故不

列於諸侯宋鄭猶然則陳侯必同也○麋九

倫反 疏 鄭至

同也○正義曰杜以陳鄭會楚子于息遂與蔡侯次

于厥貉則陳鄭當在次也傳稱厥貉之會麋子逃歸

則麋子當在也宋公逆楚子間宋公亦在也獨書楚

子蔡侯不言陳鄭宋麋故迹其事而為之說言宋陳

鄭三君降爵麋子逃歸故不書也劉炫以為告文略

故不書陳鄭宋今知不然者此楚會諸侯必是楚人

來告若楚人來告當以得諸侯為榮何以略其宋鄭

陳乎麋子不會傳云逃歸宋鄭二國為楚僕役猶如

春秋疏十一

重一

許蔡二君降乘楚車許蔡既不書於經故知宋鄭失

位不見此乃傳事分明故特為此解劉炫有以告文

略以規杜氏非也 將以伐宋宋華御事曰楚欲弱我也先為

之弱乎何必使誘我我實不能民何罪乃逆楚子勞

且聽命時楚欲誘呼宋共戰御事華元父○勞力

遂道以田孟諸孟諸宋大數也在梁國睢陽縣東

北○道音導藪素

口反睢音綏 宋公為右孟鄭伯為左孟孟田

獵陳名○孟音于 期思公復遂為右司馬復遂楚

期思邑公今弋陽期思縣○弋以 子朱及文之無畏

職反

為左司馬將獵張兩旣故置二左司馬然則右司

馬一人當中央○甄吉然反疏將獵至中央○正義曰

馬而誅宋公之僕自謂當官而行明無畏當右子朱宋公為右孟無畏為左司

當左是其張兩甄故置二左司馬使各掌一甄自然右司馬一人命夙駕載燧燧取火者○命冒病反

當中央也燧音遂本又宋公違命不夙駕載燧無畏扶其僕以狗或謂作

子舟曰國君不可戮也子舟曰當官而行何彊之有

子舟無畏字○扶取乙反狗似俊反舟音州詩曰剛亦不吐柔亦

不茹詩大雅美仲山甫不辟疆禦○茹如母縱詭呂反

隨以謹罔極詩大雅詭人隨人無正心者謹猶慎

也罔無也極中也○詭九母縱至罔極○正義曰疏無從此詭人隨人無正

萬曆十九年刊 春秋疏七卷 言

心者以謹勅彼無中正之人言小罪尚不赦則大罪不敢為也是亦非辟疆也敢愛

死以亂官乎為宣十四年宋人殺子舟張本○厥

貉之會麋子逃歸為明年楚子伐麋傳

春秋左傳註疏卷第十九上

春秋左傳註疏卷第十九下 文十一年 盡十五年 晉杜氏註 唐孔穎達疏

皇明朝列大夫國子監祭酒臣盛訥

承德郎右春坊右中允管司業事臣蕭良有等奉

勅重校刊

經十有一年春楚子伐麋 註 討前年逃厥貉會 ○麋九 倫反

夏叔仲彭生會晉卻缺于承筐 註 承筐宋地在陳留襄 邑縣西彭生叔仲惠伯卻缺冀缺 ○叔仲彭生叔又 作州本或作叔彭

生仲衍字 缺丘悅反

生仲衍字 缺丘悅反

秋曹伯來朝

萬曆十九年刊 春秋疏十九

公子遂如宋

狄侵齊

冬十月甲午叔孫得臣敗狄于鹹 註 鹹晉地 ○鹹 音咸

傳十一年春楚子伐麋成大心敗麋師於防渚 註 成大心子玉之子大孫伯也防渚麋地

潘崇復伐麋至

于錫宄 註 錫宄麋地 ○復扶又反錫音 羊或作錫星歷反 ○夏叔仲惠

伯會晉卻缺于承筐謀諸侯之從於楚者 註 九年陳 鄭及楚平十年宋聽楚命

○秋曹文公來朝即位而

來見也 ○見賢 遍反 ○襄仲聘于宋且言司城蕩意諸而

皇朝聘于宋也 杜注史失之曰去後 金合之旨

復之註

八年意諸來奔歸不書史失之

疏八年至失之○正

義曰諸侯之卿出奔而復歸者宋華元衛孫林父之徒皆書其歸則蕩意諸之歸亦當書之服虔云反不書者施而不德衛冀隆亦同服義而難杜云襄二十九年樂氏施而不德春秋所善不書意諸之歸則是施而不德且經所不書傳即發文史失之即不書日史失之之類是也此既無傳何知史失杜必以為史失者案衛侯鄭之歸于衛也僖公納賂而請之衛侯朔之入于衛也莊公興師而納之歸邾子益于邾自我而歸之皆受魯施並書於經何獨意諸施而不德若意諸施而不德彼何故施而德之春秋公侯大夫失位出奔得人力而反者多矣若皆施而不德不應赴告諸侯魯以不書為是則書者為非何以無貶責之文定人之謂禮存亡之謂義未有禮義在可諱之意故杜以為史官失之故不書於策

師之不害也註

往年楚大厥務將以伐宋

○鄭瞞侵

萬曆十九年刊

春秋疏卷下

二

齊註

鄭瞞狄國名防風之後漆姓○鄭所求反說文

國也在夏為防風氏殷為汪芒氏字林鄭一音先牢反瞞莫干反漆音七

疏姓○正義曰

狄是北夷大號鄭瞞是其國名魯語云吳伐越際會稽獲骨節專車吳子使來聘問之仲尼問尼宴臣於執骨而問曰敢問骨何為大仲尼曰昔禹致專車於會稽之山防風氏後至禹殺而戮之其骨節專車此為大矣客曰防風氏何守仲尼曰汪芒氏之君守封隅之山者也為漆姓在虞夏商為汪芒氏於周為長狄氏今日大人客曰人長之極幾何仲尼曰焦堯氏長三尺短之至也長者不過十尺數之極也此言長狄狄之長者彼言於周為長狄知鄭瞞即是防風氏之後故以國語為說服云伐我不書諱之

我公卜使叔孫得臣追之吉侯叔夏御莊叔

註莊叔

得臣○夏戶

縣房甥為右富父終甥駟乘註

駟乘四

雅反

社書嚴不書氏

人共車○乘繩證反○冬十月甲午敗狄于鹹獲長

註及下皆同

狄僑如

僑如鄭瞞國之君蓋長三丈獲僑如不書

賤夷狄也○僑本作喬其驕反疏僑如至狄也○
長如字又直亮反疏正義曰經書敗狄

于鹹卽是敗一國也敗其國而獲此人傳不言是其
將帥知是其國之君也穀梁傳曰長狄瓦石不能害

叔孫得臣最善射者射其目身橫九畝斷其首而載
之眉見於軾何休云蓋長百尺魯語仲尼所云此十

倍焦堯氏之長者故云蓋長三丈魯語言不過十尺
是疑之言故云蓋也宜十五年晉師滅赤狄潞氏以

潞子嬰兒歸彼獲嬰兒歸書之此獲僑如不書者潞
國大其君貴故書之此國小僑如賤不書賤夷狄也

富父終甥搯其喉以戈殺之疏搯猶衝也○搯舒容
反喉音侯

戈古疏搯其喉以戈殺之○正義曰考工記戈之長
禾反疏六尺六寸耳得及長狄之喉者兵車之法皆

三人共乘魯宋與長狄之戰車皆四乘
改其乘必長其兵謂之戈蓋形如戈也埋其首於子

駒之門註子駒魯郭門骨節非常恐後世恠之故詳

其處○處昌疏以命宣伯註得臣待事而名其三子因

名宣伯曰僑如以旌其功○名如字疏得臣至其

襄三十年傳說此事云叔孫莊叔敗狄于鹹獲長狄
僑如及虺也豹也皆以名其子定八年傳稱魯苦越

生子將待事而名之陽州之役獲馬故名之曰陽州
知得臣亦待事以名其三子以旌章其功也此三子

未必同年而生或生訖待事或事後
始生欲以章已功取彼名而名之也初宋武公之世

鄭瞞伐宋註在春秋前疏在春秋前○正義曰史

卽位十八年以魯惠公二十一年卒卒在春
秋前二十六年不知鄭瞞以何年伐宋也司徒皇

見古命書
大連言人老于
山川之區物實
各不同其物實
三在魯月書
已後者皆可詳
下語之類也
五經音義

萬曆十九年刊
春秋疏卷六

父帥師禦之彤斑御皇父充石

皇父戴公子充石

皇父名○禦本亦作御

魚呂反彤音而

皇父戴公子世本文古人

連言名字者皆先字後名且此人子孫以皇為氏知皇父字充石名

公子穀甥為右司

寇中父駟乘以敗狄于長丘

長丘宋地

獲長狄緣

斯

緣斯僑如之先

獲長狄緣斯○正義曰服虔云不言所理埋其身首同處

於戰地

可知 皇父之二子死焉

皇父與穀甥及牛父皆

死故彤斑獨受賞

皇父至受賞○正義曰賈逵云皇父與穀甥牛父三子皆死

鄭眾以為穀甥牛父二人死耳皇父不死馬融以為皇父之二子從父在軍為敵所殺名不見者方道二

子死故得勝之如今皆死誰殺緣斯服虔云殺緣斯者未必三子之手士卒獲之耳下言宋公以門賞彤

萬曆十九年刊

春秋疏卷九

四

斑斑為皇父御而有賞二子不見賞疑皆死賈君為近之如馬之言於傳文為順但斑獨受賞知三子皆

死故柱

亦同之 宋公於是以門賞彤斑使食其征

門關門

征稅也○稅舒

關門有征知門是關門也周禮司

關司貨賄之出入掌其治禁與其征墨國凶札則無門之征鄭玄云征墨者貨賄之稅孟子曰關市譏而

不征則天下行旅皆悅而願出於其塗矣如彼文知出入關者必有征稅但不知幾而稅一也然據禮文

城門亦有征必知關門者以關門征稅其數既多故昭二十年偃介之關暴征其私是關禁之重異於城

門此云食其征謂之彤明晉之滅潞也

在宣十五

年○潞

音路 獲僑如之弟焚如齊襄公之二年

魯桓之

十六年

鄭瞞伐齊齊王子成父獲其弟榮如

榮如

理其首于子物
之社門也
使聞文記卷之
源

焚如之弟焚如後死而先說者欲其兄弟伯季相次

榮如以魯桓十六年死至宣十五年一百三歲其兄

猶在傳言既長且壽有異於人王子成父齊大夫○

壽如字埋其首於周首之北門註周首齊邑濟北穀

城縣東北有周首亭一音授衛人獲其季弟簡如註伐齊退

走至衛見獲鄭瞞由是遂亡註長狄之種絕○種章

勇反疏註長狄之種絕○正義曰此時長狄種絕仲尼猶

云今日大人者言當時呼往前長狄為大人未必

其時有之若當時猶有其種與人不應怪其骨也但

如此傳文長狄有種種類相生當有支胤唯獲數人

云其種遂絕深可疑之命守封隅之山賜之以漆為

姓則是世為國主繇歷四代安得更無支屬唯有四

人且君為民心方以類聚不應獨立三丈之君使牧

八尺之民又三丈之人誰為匹配豈有二丈之妻為

之生產乎人情度之深可惑也國語仲尼之談左傳

丘明所說通賢大聖立此格言不可論其是非實疑

之久矣蘇氏云國語稱今日大人但逆居四夷不在

中國故云遂亡公羊穀梁竝云長狄兄弟三人一之

齊一之魯一之晉何以書記異猶如史記所云秦時大人見於臨洮

傳七其因而疑長狄種絕也非傳意

萬曆十九年刊

春秋卷五

五

弗狗註狗順也為明年邾伯來奔傳○狗以

安於夫鍾註安處也夫鍾邾邑○邾音成儒如

經十有二年春王正月邾伯來奔註稱爵見公以諸侯

禮迎之○見賢疏稱爵至迎之○正義曰此實大

君史遂從公之意成十年晉侯有疾立太子州蒲為

此等善非傳如何提得

追言世子從君所稱更其實故也

杞伯來朝

復稱伯舍夷禮。○復扶又反。一音服舍音捨。

二月庚子子叔姬卒

既嫁成人雖見出棄猶以恩錄

其卒疏既嫁至其卒。○正義曰天子諸侯絕期嫁女於諸侯則尊同恩成於敵體其禮不為降卒

則服大功九月叔姬既為杞之夫人雖見出棄猶以恩錄其卒喪服女子既嫁而反在父母之室從本服為之齊衰期此既書其卒當服其本服杜預不知此叔姬是何公之女要姑與姊妹皆服期也釋例曰出棄之女反在父母之室則與既笄成人者同故亦書卒也杞叔姬卒穀梁以為公母姊妹謂同母姊妹

夏楚人圍巢

巢吳楚間小國廬江六縣東有居巢城

秋滕子來朝秦伯使術來聘

術不稱氏史畧文

萬曆十九年刊

春秋疏卷六

六

冬十有二月戊午晉人秦人戰于河曲

不書敗績交

緩而退不大崩也稱人秦晉無功以微者告也皆陳

日戰例在莊十一年河曲在河東蒲坂縣南○陳直

觀反坂

反音

季孫行父帥師城諸及鄆

鄆莒魯所爭者城陽姑幕

縣南有負亭負即鄆也以其遠偏外國故帥師城之

○鄆音軍幕音莫負音云一音運本又作鄆音同

傳十二年春邾伯卒邾人立君

邾子自安於外邑

故天子以夫鍾與邾邾來奔邾邾亦邑○邾公以音圭

此字本為伯而即此字為伯庶不所承

諸侯逆之非禮也

非公寵叛人

故書曰郕伯來奔

不書地尊諸侯也

既尊以為諸侯故不復見其竊

邑之罪

復扶又反 見賢遍反 ○杞桓公來朝始朝公也

傳始朝公也 正義曰劉炫云魯公新立鄰國及時來朝則曰公即位而

來朝晚則云始朝公也 諸侯自新立來及時者則云即位而來見晚則云始見霸主節位魯公往朝則曰

朝嗣君魯君新立往朝大且請絕叔姬而無絕昏公國則曰即位而往見也

許之 不絕昏立其娣以為夫人不書來歸未筭而

卒 筭古 不絕至而卒 正義曰傳言請無絕

今反 昏成五年有杞叔姬來歸故知其娣為夫人也其娣亦字叔者周之法稱叔也釋例曰杞桓

公以僖二十三年即位襄六年卒凡在位七十一年

文成之世經書叔姬二人一人出一人卒皆杞桓公夫人也傳例出曰來歸不書來歸未歸而卒也既歸

而卒亦當書之成五年杞叔姬來歸八年書卒是也宣十六年鄭伯姬來歸後不書卒者或更嫁於大夫

故不書 二月叔姬卒不言杞絕也 既許其絕故不卒耳

言杞 書叔姬言非女也 女未嫁而卒不書 ○楚令

尹大孫伯卒成嘉為令尹 若敖曾孫子孔 羣舒叛

楚 羣舒偃姓舒庸舒鳩之屬今廬江南有舒城舒

城西南有龍舒 羣舒至龍舒 正義曰世本偃

以其非一故 言屬以包之 舒舒庸舒麥舒舒鳩舒龍舒鮑舒龔

夏子孔執舒子平及宗子遂圍巢 平

舒君名宗巢二國羣舒之屬 ○秋滕昭公來朝亦始

萬曆十九年刊

春秋疏

七

朝公也○秦伯使西乞術來聘且言將伐晉襄仲辭

玉曰君不忘先君之好照臨魯國鎮撫其社稷重之

以大器寡君敢辭玉

大器圭璋也不欲與秦為好

故辭玉

好呼報反註及下同重直用反璋音章

聘夫人用璋享用琮聘禮記曰凡四器者唯其所寶

以聘可也故知所言大器是圭璋也考工記玉人云

子圭與纁皆九寸問諸侯朱纁八寸鄭玄云於天

子日朝於諸侯日問記之於聘文互相備言互相備

者朝諸侯與天子同聘天子與諸侯同也所言朝圭

九寸聘圭八寸謂上公禮也使臣出聘降君一等故

八寸則侯伯之使當象圭六寸子男之使當象璧四

寸也聘義曰以圭璋聘重禮也已聘而還圭璋此輕

財而重禮之義也然則玉必還其來使而下云致諸

執事以為瑞節及襄仲辭之者禮聘終雖復得還玉

初聘之時其意欲致與主國但主之且襄仲辭之者

為不欲與秦為好對曰不腆敝器不足辭也

腆厚也○腆他典反主人三辭賓客曰寡君願微福于周公魯

公以事君微要也魯公伯禽也言願事君以弁蒙

先君之福微古堯反要於堯反下同不腆先君之敝器使下臣

致諸執事以為瑞節

節信也出聘必告廟故稱先

君之器瑞垂偽反要結好命所以藉寡君之命結二國

之好藉薦也○藉在夜反註同疏藉薦也○正義曰聘

命致藉玉而後通若坐之是以致君命君有薦席然故以藉為薦也

君子其能國乎。國無陋矣。厚賄之。賄賄送也。○賄呼罪

反 ○秦為令狐之役故。為于偽反 冬秦伯伐晉取羈馬

註 令狐役在七年羈馬晉邑。○令力 晉人禦之趙盾

將中軍荀林父佐之。林父代先克○將子匡及下皆同 卻缺

將上軍。代箕鄭 史駢佐之。代林父○駢步邊反 欒盾

將下軍。欒枝子代先蔑○欒方官反 胥甲佐之。○

胥臣子代先都 范無恤御戎。代步昭○昭上遙反 以從

秦師于河曲。史駢曰：秦不能久，請深壘固軍以待之。

從之。秦人欲戰，秦伯謂士會曰：若何而戰？晉士會

晉高曆十九年刊 春秋莊七年

七年奔秦。○壘力。疏：深壘固軍。○正義曰：壘壁也。軍

者高也。高其壘以為軍之阻固。案觀禮說：為壇深四尺。鄭註云：深高也是其義也。對曰：趙氏

新出其屬曰史駢，必實為此謀，將以老我師也。史駢趙盾屬大夫新出佐上軍

趙有側室曰穿。晉君之

壻也。側室支子穿趙夙庶孫○穿音川 疏：側室不庶

文王世子云：公若有出疆之政，庶子守公宮，正室守

太廟。鄭玄云：正室適子也。正室是適子，知側室是支

子言在適子之側也。世族譜：穿趙夙之孫，則是趙盾

從父昆弟之子也。盾為正室，故謂穿為側室。穿別為
邯鄲氏，趙施趙勝，邯鄲午是其後也。有寵而弱不在軍事。弱年少也
又未嘗涉知軍事。○少詩 好勇而狂且惡史駢之佐
照反

河曲之新壘字情 收見矣

上軍也若使輕者肆焉其可

肆暫往而退也○惡鳥路

反輕遺政反肆音四秦伯以璧祈戰于河

禱求勝○禱丁老反一音丁

報上十二月戊午秦軍掩晉上軍趙穿追之不及上軍不動趙穿獨追之反怒曰裹糧坐甲固敵是求敵

至不擊將何俟焉軍吏曰將有待也

待可擊○裹音果

○裹糧坐甲○正義曰甲者所以制禦非常臨敵則破之於身未戰且坐之於地穿曰我不

知謀將獨出乃以其屬出宣子曰秦獲穿也獲一卿

矣

信三十二年晉侯以一命命卻缺為卿不有軍帥之數然則晉自有散位從卿者○帥所類反

秦以散悉但反

萬曆十九年刊

春秋疏卷七

十

勝歸我何以報乃皆出戰交綏

司馬法曰逐奔不遠從綏不及逐奔不遠則難誘從綏不及則難陷然

則古名退軍為綏秦晉志未能堅戰短兵未至爭而

兩退故曰交綏

○爭爭 綏司馬至兩退○正義曰

死綏舊說綏部也言軍卻將當死綏必是退軍之名

綏訓為安蓋兵書務在進取恥言其退以安行即為大罪故以秦行人夜戒晉師曰兩君之士皆未慙也綏為名焉

明日請相見也

慙缺也○慙魚觀反又魚轄反方言云傷也字林云問也牛

名○慙缺也○止義曰慙者缺之貌今人猶謂缺反 綏為慙也沈氏云方言云慙傷傷即缺也下云死傷未收則是已有死者但未至 史駢曰使者目動而大崩未甚喪敗故為皆未缺也

言肆懼我也

註

目動心不安言肆聲放失常節○使

反將遁矣薄諸河必敗之

註

薄迫也○遁徒困反薄

卑賣

胥甲趙穿當軍門呼曰死傷未收而棄之不惠

反

也不待期而薄人於險無勇也乃止

註

元年放胥甲傳

秦師夜遁復侵晉入瑕

又反

復扶

諸及鄆書時也

經十有三年春王正月

夏五月壬午陳侯朔卒

註

無傳再同盟

傳二十九年卽位其年盟于翟泉文二年于垂隴七年于扈云再同盟者據文公言之

萬曆十九年刊

春秋疏卷九

七

邾子蘧蒢卒

註

未同盟而赴以名○蘧其居反

蒢丈居反

而赴以名○正義曰蘧蒢邾子瑱之子也莊二十九年卽位傳元年與魯盟于犂而云未同盟蓋據文公

爲言故云未同盟劉炫以犂盟規之非也

自正月不雨至于秋七月

註

大室屋壞

註

大廟之室○大音泰

則於此室當共知大廟之室也明堂位曰祀周公於大廟此周公之廟壞也不直言大廟壞而云大室屋

壞者大廟之制其簷四阿而下室當其中又拔出爲重屋明堂位云大廟天子明堂復廟重檐天子之廟

飭鄭云復廟重屋也是天子之廟上爲重屋此是大廟當中之室其上之屋壞非大廟全壞也公羊作世

室傳曰世室者何魯公之廟也周公稱大廟魯公稱世室蓋公稱宮此魯公之廟也曷爲謂之世室猶世世

不毀也左傳不辨此是何公之廟而經謂之大室言此室是室之最大者故知是周公之廟非魯公也明堂位曰魯公之廟文世室也武公之廟武世室也不毀則稱世室世室非一君廟名若是伯禽之廟則宜舉其號諡案左傳經爲大室不作世室故左氏先師賈服等皆以爲廟之室也壞必更作書其壞而不書作者隨卽修之故不書也定二年五月雉門及兩觀災十月新作雉門及兩觀啓塞從時譏其緩作故別書之耳

冬公如晉衛侯會公于沓沓地闕○沓徒沓反

狄侵衛無傳

十有二月己丑公及晉侯盟十二月無己丑己丑十一月十一日

萬曆十九年刊

春秋疏七

公還自晉鄭伯會公于棗棗鄭地○棗芳味反又非尾反

傳十三年春晉侯使詹嘉處瑕以守桃林之塞詹嘉晉大夫賜其瑕邑令帥衆守桃林以備秦桃林在弘農華陰縣東潼關○詹章廉反塞悉代反令

嘉至潼關○正義曰桃林之塞在河南之南遠處晉之南竟從秦適周乃由此路使詹嘉守此塞者以秦與東方諸侯遠結恩好及西乞聘魯亦應更交餘國慮其要結外援東西圖已故使守此阨塞欲斷其來也

晉人患秦之用士會也夏六卿相見於諸浮諸浮晉地○六卿相見於諸浮○正義曰六卿在朝旦夕聚集而特云相見於諸浮者將欲密謀慮其漏泄故出就外野屏人私趙宣子曰隨會在秦

議諸浮當是城外之近地耳

賈季在狄難日至矣若之何

六年賈季奔狄○難乃旦

反日人實反

中行桓子曰請復賈季

中行桓子荀林父

也僖二十八年始將中行故以為氏○行司郎反註

同將子匠反

能外事且由舊勲

有狐偃之舊

疏能外事○正義曰賈季是狐突

之孫狐偃之子本是狄人能知外竟之事謂知狄之情得豫為之備

卻成子曰賈季亂

且罪大

殺陽處父故

不如隨會能賤而有恥柔而

不犯

不可犯以不義

疏能賤而有恥○正義曰服虔云謂能處賤且又知恥

言不可汗辱

其知足使也且無罪乃使魏壽餘偽以魏叛

者以誘士會執其帑於晉使夜逸

魏壽餘畢萬之

萬曆十九年刊

春秋疏卷

主

後帑壽餘子

知音智帑音奴

疏魏壽至之後○正義曰閔元年晉侯賜畢萬魏魏

擊者萬之孫為魏之世適壽餘為魏邑之主當是犇之近親故云畢萬之後

請自歸于秦

秦伯許之

許受其邑

履士會之足於朝

躡士會

足欲使行○躡女

秦伯師于河西

將取魏

魏人在

東

今河北縣於秦為在河之東

壽餘曰請東人之

能與夫二三有司言者吾與之先

欲與晉人在秦

者共先告喻魏有司○夫疏請東至之先○正義曰音扶請舊是東方之人并有

才能堪與彼魏邑二三有司說歸秦之言者吾與先行

使士會士會辭曰晉人

虎狼也若背其言臣死妻子為戮無益於君不可悔

也

註 辭行示已無去心

○背音

疏 臣死至悔也○正

晉妻為戮於秦必無益於君不可改悔

秦伯曰若背其言所不歸爾帑

者有如河

註 言必歸其妻子明白如河

乃行繞朝贈

之以策

註 策馬槓臨別授之馬槓並示已所策以展

情繞朝秦大夫

○朝如字又張逢反策本又作莢初

林作策云筆

疏 策馬槓○正義曰嚴處云繞朝以

會即行不暇書策為辭且事既密不宜以簡贈人傳

稱以書相與皆云與書此獨不宜云贈之以策知是

馬槓槓

曰子無謂秦無人吾謀適不用也

註 示已覺

其情

既濟魏人諫而還

註 喜得士會○諫素報

秦人

萬曆十九年刊

春秋疏五

古

歸其帑其處者為劉氏

註 士會竟後劉累之胤別族

復累之姓

○累劣 疏 其處者為劉氏○正義曰伍員

已將死豫令改族其傳又為而發之士會之帑在秦

不顯於會之身復無所辟傳說處秦為劉氏未知何

意言此討尋上下其文不類深疑此句或非本旨蓋

以為漢室初興捐棄古學左氏不顯於世先儒無以

自申劉氏從秦從魏其源本出劉累挿註此辭將以

媚於世明帝時賈逵上疏云五經皆無證圖識明劉

氏為堯後者而左氏獨有明文竊謂前世藉此以求

道通故後引之以為證耳 註 士會至之姓○正義

曰昭二十九年傳緡陶唐氏既衰其後曰劉累能飲

食龍夏子孔甲賜氏曰御龍襄二十四年傳范宣子

云句之祖自虞以上為陶唐氏在夏為御龍氏在商

為豕韋氏在周為唐杜氏晉主夏盟為范氏晉語云

昔隰叔子違周難於晉生子輿為司空世及武子左

文襄輔成景是以受隳范賈逵云隰叔杜伯之子周

限氏以字為書印
子其猶秦與八孫
而書子字皆世
辭合皆泥於耳

此亦見漢初律陽
之謂也在此世末
必兩對等子其
文不獨亦顯違害
擊故入其罪也

漢是杜伯之後

宜王殺杜伯其子逃奔晉子輿士為也武子為之孫
卽士會也又世本土為生士伯缺缺生士會會生士
燮會是為之孫是為堯後也會子在秦不被賜族故
自復累之姓為劉氏秦滅魏劉氏徙大梁漢高祖之
祖為豐公又徙沛
○邾文公卜遷于繹繹邾邑魯

故高祖為沛人

國邾縣北有繹山○繹音亦繹邾至繹山○正

邾縣北有繹山徒都於彼山旁山旁當有舊邑故曰
繹邾邑也邾既遷都於此竟內別有繹邑宣十年公
孫歸父帥師伐邾取繹取彼之別邑不取邾之國都
也但邾是卜國彼繹邑亦取繹山為名應近邾之都

耳史曰利於民而不利於君邾子曰苟利於民孤之

利也天生民而樹之君以利之也民既利矣孤必與

焉左右曰命可長也君何弗為邾子曰命在養民死

萬曆十九年刊

春秋疏七年

五

之短長時也民苟利矣遷也吉莫如之左右以一

人之命為言文公以百姓之命為主一人之命各有

短長不可如何百姓之命乃傳世無窮故徙之○與

音預

傳直疏左右至徙之○正義曰史明卜筮知國遷

專反疏君必死不知君命自當卒也左右之意謂不

遷命可長左右勸君弗遷以一人之命為言也文公

之意人君之命在於養民遷則民利志在必遷以百

姓之命為主也一人之命各有短長長短先定不遷

亦死是不可如何百姓之命利在水土遷就善居則

民安樂乃傳世無窮也晉遷新田十世遂遷于繹五
月邾文公卒君子曰知命疏君子曰知命○正義曰
俗人見其早卒謂由遷
而死死之短長有時不遷至期亦卒傳言君子曰知
命所以證俗人之惑邾文公以莊二十九年卽位至

死之短長時也明
是命無定數也
君心即君為命
則春秋之世亦當
不自保定業也
固守之理也此世
字攝皆也

此言不問年有日
及矣

今五十一年享國 ○秋七月大室之屋壞書不共也

久矣命非短折也 簡慢宗廟使至傾頹故書以見臣子不共 ○頹大

賢遍 疏書不共 ○正義曰釋例曰大室之屋國之所

反 尊朽而不繕久旱遇雨乃遂傾頹不共之甚

故特 書之 ○冬公如晉朝且尋盟衛侯會公于沓請平于

晉公還鄭伯會公于棐亦請平于晉公皆成之 鄭

衛貳于楚畏晉故因公請平 鄭伯與公宴于棐子家

賦鴻鴈 子家鄭大夫公子歸生也鴻鴈詩小雅義

取侯伯哀恤鰥寡有征行之勞言鄭國寡弱欲使魯

侯還晉恤之 ○鰥古 鴈美宣王勞來諸侯之詩也

萬曆十九年刊

春秋疏十九卷

共

首章云之子于征劬勞于野爰及矜人哀此鰥寡之

子侯伯卿士也存省諸侯劬勞外野爰日也矜憐也

王命之日當及此可憐之人謂貧窮者又當哀此鰥

夫寡婦當收斂之使有依附于家言鄭寡弱欲魯

侯遠行還晉 存恤之也 季文子曰寡君未免於此 言亦同有

微弱之憂 文子賦四月 四月詩小雅義取行役踰

時思歸祭祀不欲為還晉 為于僞 四月月至還

四月大夫行役之怨詩也首章云四月維夏六月徂

暑先祖匪人胡寧忍予大夫言已四月初夏而行至

六月徂暑矣寒暑易節尚不得歸我之先祖匪人乎

王者何當於恐於我不使得祭祀也文子言已思歸 祭祀不欲 子家賦載馳之四章 載馳詩鄘風四章 更復還晉 以下義取小國有急欲引大國以救助 ○鄘 音容 疏 載 馳至

救助○正義曰載馳許穆夫人聞衛之滅思歸唁兄之詩也其四章曰陟彼阿丘言采其蕪女子善懷亦各有行許人尤之衆釋且狂其五章曰我行其野芄芄其麥控于大邦誰因誰極大夫君子無我有左百爾所思不如我所之此義取小國有急控告大國文在五章而傳言四章故云四章以下言其并賦五章

文子賦采薇之四章註采薇詩小雅取其豈敢定居一月三捷許為鄭還不敢安居○三息暫反又疏一

月三捷○正義曰捷勝也鄭伯拜謝公為行公荅三者為侵也伐也戰也

拜

經十有四年春王正月公至自晉註無傳告于廟

邾人伐我南鄙叔彭生帥師伐邾

萬曆十九年刊

春秋卷十

七

夏五月乙亥齊侯潘卒註七年盟于扈乙亥四月二十

九日書五月從赴○潘判疏七年至從赴○正義

殺孝公子而立是為昭公昭公則以傳二十八人即位其年盟于踐土據文公言之唯同扈之盟耳杜以

長歷校之知乙亥是四月二十九日書五月從赴者蓋赴以五月到惟言卒日不言其月即書其所至之

月

六月公會宋公陳侯衛侯鄭伯許男曹伯晉趙盾癸酉

同盟于新城註新城宋地在梁國穀熟縣西

秋七月有星孛入于北斗註字彗也既見而移入北斗

非常所有故書之○字音佩徐無憤反嵇康音渤海字彗嵇似歲反一音雖遂反見賢

通疏 李莛至書之。○正義曰：公羊傳曰：「李者何？莛及星也。」其言入于北斗，何？北斗有中，也。何以書？記異也。穀梁傳曰：「李之爲言猶莛也。」其曰入北斗，有環域也。釋天云：「彗星爲橈槍，郭璞曰：「妖星也。」亦謂之李。言其形李，李似掃，莛也。」經言入于北斗，則從他處而入，是既見而移入北斗也。彗星長有尾，入于北斗，杓中，妖星非常所有，故書。

公至自會註 無傳

晉人納捷菑于邾弗克納註 邾有成君，晉趙盾不度於

義而大興諸侯之師，涉邾之竟，見辭而退，雖有服義之善所興者，廣所害者衆，故貶稱人。○菑，側其反，度，符各反，竟，音境。

疏 納捷菑于邾。○正義曰：捷菑，不言邾者，丁有于邾之文。莊公伐齊，納子糾，不言齊者，丁有伐齊之文。

黃曆十九年刊

春秋卷九

六

與此同也。信二十五年，楚人圍陳，納頓子于頓，昭十二年，齊高偃納北燕伯于陽，彼舊是國君，故稱其國。哀二年，晉趙鞅納衛世子于蒯，臧于臧，世子之尊，以名體國，上下又無衛文，故亦稱國。與此異也。齊小白，齊陽生許叔蔡季之屬，經無納文，又復得國，與此不同也。劉炫云：「已去邾國，又非邾君，故不稱邾捷菑也。得國爲君，皆舉國言之。」齊小白入于齊，是也。

九月甲申公孫敖卒于齊註 既許復之，故從大夫例書卒。

疏 既許至書卒。○正義曰：傳稱請葬，不許，明年傳云：「葬視共仲，則是不待從大夫禮葬而得從。」

大夫例書卒者，卒葬異禮，事不相連，隱公書薨，不書葬，不成喪，不以君禮成其葬也。不以君禮，猶得書公薨，敖雖不以卿禮葬，既許其復得從例書卒。

齊公子商人弑其君舍註 舍未踰年而稱君者，先君既

葬舍已卽位弒君例在宣四年

疏 舍未至四年

既葬稱子踰年稱公左氏則不然傳九年九月晉侯詭諸卒冬晉里克殺其君之子奚齊傳曰書曰殺其君之子未葬也荀息立公子卓以葬十一月里克殺公子卓于朝經書里克殺其君卓是未葬稱子既葬稱君不待踰年始稱君也此庸弒其君舍舍已成君故云未踰年而稱君者先君已葬舍已卽位也傳云五月昭公卒舍卽位後七月經書所弒經傳無葬昭公之文又齊侯以五月而卒傳稱七月弒舍時未合葬知已葬者正以舍已稱君決知既葬春秋之世多不如禮葬之早晚時有遲速雖復違禮而葬後君葬訖卽成君非計禮之葬日始成君也宣十年夏四月齊侯元卒六月葬齊惠公冬齊侯使國佐來聘是葬惠成君之文也杜以成君在於既葬不以踰年爲限此言未踰年者意在排舊說也

宋子哀來奔

註

大夫奔例書名氏貴之故書字

疏 大夫至

萬曆十九年刊

春秋疏上卷

九

書字○正義曰崔杼無罪書崔氏出奔此貴子哀書其字云於例字貴於名故儀父女叔之徒皆書其字則書字是貴之常例也崔氏傳曰且告以族故因稱氏唯以不名爲義

冬單伯如齊

註

單伯周卿士爲魯如齊故書

○單音善爲于僞反

齊人執單伯

註

諸侯無執王使之義故不依行人例

所吏 **疏** 諸侯至人例○正義曰諸侯執諸侯之大反 **疏** 夫無罪則稱行人以見無罪之義王者之使不問有罪無罪諸侯皆不得執之執之則爲不臣以諸侯無執王使之義故單伯不依行人例言單伯身雖無罪不依使例故不稱行人也諸侯不得執王使而諸侯之史得貶王使者史之所書周公定法已君有過猶尚書之王

使有德亦得貶也

齊人執子叔姬

註

叔姬魯女齊侯舍之母不稱夫人自

魯錄之父母辭

疏

叔姬至母辭。正義曰：傳稱子叔姬，姬齊昭公知舍之母，也不稱

夫人自魯錄之，父母辭亦不知是何公之女。魯是其父，母家不言文公是其父，稱子叔姬者，服云子殺身執閔之故。言子為在室辭十二年。子叔姬卒，已被祀絕，是並在室也。

傳十四年春，項王崩，周公閱與王孫蘇爭政，故不赴。

凡崩薨不赴，則不書禍福不告亦不書。

疏 奔亡禍也。

歸復福也。○頃音傾。

疏

奔亡至福也。正義曰：因崩薨而言禍福，則禍亦崩薨

之類。福是反禍者也。福莫大於享國，有家禍莫甚於亡家。喪國禍亦崩薨之類。相次之物且奔亡歸復其事多矣。雖有出入之例，未見不告之義。此傳於崩薨之末言之，故知奔亡是禍歸復是福也。

敬也。

疏 欲使怠慢者戒。○懲直升反。

○邾文公之卒也。

萬曆十九年刊

秦叢書

三

在前年

公使弔焉，不敬邾人來討，伐我南鄙，故惠伯

伐邾。○子叔姬妃齊昭公，生舍叔姬，無寵，舍無威，公

子商人驟施於國。

疏 驟數也。商人桓公子。○妃音配。木亦作配。

驟仕救反，施式。

而多聚士，盡其家貸於公，有司以繼

之。

疏 家財盡從公及國之有司富者貸。○盡音忍，忍反。貸音待，又音。

同。

夏五月，昭公卒，舍即位。○邾文公元妃齊姜，生

定公。二妃，晉姬生捷，菑文公卒，邾人立定公捷，菑奔

晉。○六月，同盟于新城，從於楚者服。

疏 從楚者，陳鄭

宋且謀邾也。

疏 謀納捷菑。

○秋七月乙卯，夜齊商人

絺舍而讓元

元商人兄齊惠公也書九月從告也

月無乙卯日誤

本又作殺

元曰爾求之久矣我能事

爾爾不可使多蓄憾

不為君則恨多○蓄勅六反

本又作感戶

將免我乎爾為之

言將復殺我○復

暗反恨也

扶又

反

爾將肯放免我乎言將復殺我劉炫云爾將免

我為君

之事乎○有星孛入于北斗周內史叔服曰不出七

年宋齊晉之君皆將死亂後三年宋弒昭公五年

齊弒懿公七年晉弒靈公史服但言事徵而不論其

占固非末學所得詳言○試下同

萬曆十九年刊春秋疏本

傳申須云彗所以除舊布新也天事恒象又二十六

年傳晏子曰天之有彗也以除穢也宋齊晉三國之

君並為無道皆有穢德今彗出而彼死是除穢之事

但未測何以知此三君當之史服但言事徵不言其

占非末學所得詳言故○證反註

言其驗而不推其義○徐居碧反且

乘納捷菑于邾八百乘六萬人言力有餘○乘繩

同邾人辭曰齊出糴且長糴且定公○糴俱縛反

子餘反長丁宣子曰辭順而弗從不祥乃還立適

丈反下註同王叛王孫蘇王匡王叛不與而使尹氏與聃啓訟

周公于晉訟理之尹氏周卿士聃啓周大夫○聃

周之為言亦自為
再詳五條

晉平王言書

楚莊王不得子儀
疾為國內亂傳詳

反趙宣子平王室而復之註使復和親 ○楚莊王立

註 穆王子也 子孔潘崇將襲羣舒使公子變與子儀

守而伐舒蓼註 即羣舒 ○瘳昔協反守 手又反蓼音了 二子作亂城

郢而使賊殺子孔不克而還八月二子以楚子出將

如商密註 國語曰楚莊王幼弱子儀為師王子變為

傅 ○還註 國語至為傅 ○正義曰楚語蔡聲子云

音旋 疏 楚莊王方弱申公子儀父為師王子父為

傅使潘崇子孔帥師以伐舒蓼及儀父施二帥而分

其室師還至則以王如廬廬戰黎殺二子而復王

廬戰黎及叔麋誘之遂殺鬬克及公子變註 廬今襄

陽中廬縣跋黎廬大夫叔麋其佐鬬克子儀也 ○廬

萬曆十九年刊 春秋聖宗 圭

反又音廬註 同戰 初鬬克囚于秦註 在僖二十五年

側立反麋九倫反 秦有殺之敗註 在僖三十三年 而使歸求成成而不

得志註 無賞報也 公子變求令尹而不得故二子作

亂註 傳言楚莊幼弱國內亂所以不能與晉競 ○穆

伯之從已氏也註 在八年 ○巳音紀 魯人立文伯註

穆伯之子穀也 穆伯生二子於莒而求復文伯以為

請襄仲使無朝聽命復而不出註 不得使與聽政事

終寢於家故出入不書 ○為請如字又于僞反下以

為請同十五年亦放此與音

預 二年而盡室以復適莒文伯疾而請曰穀之子弱

註 子孟獻子年尚少。○盡津忍及復扶。請立難也。**註**

難穀第。○難乃多。許之文伯卒立惠叔穆伯請重賂。反又如字。

以求復惠叔以為請許之將來九月卒于齊告喪請

葬不許。**註** 請以卿禮葬。○宋高哀為蕭封人以為卿

註 蕭宋附庸仕附庸還升為卿。**疏** 蕭宋至為卿。○正義曰蕭本宋邑

莊十二年宋萬弒閔公蕭叔大心者宋蕭邑之大夫也。平宋亂立桓公宋人賞其勞以蕭邑封叔為附庸

莊二十三年蕭叔朝公是為附庸故稱朝附屬宋國故云宋附庸也。宣十二年楚子滅蕭此時蕭國仍在

高哀仕於蕭國遂不義宋公而出遂來奔。**註** 出而待

被擢擢升為宋卿。○書曰宋子哀來奔貴之也。**註** 貴

萬曆十九年刊

春秋聖志

重

其不食汚君之祿辟禍速也。○汚汗辱之也。○齊人定懿公

使來告難故書以九月。**註** 齊人不服故二月而後定

書以九月明經日月皆從赴。○難乃赴。○齊人至從

商人實以七月弒舍取其位而齊人未服三月而後

定定說始來告不告舍死之月唯言商人弒舍魯史

以其九月來告即書之於九月如此傳文告以九月

即書九月明經之日月皆從赴而書非褒貶詳略也

杜言此者排先儒言齊公子元不順懿公之為政也

終不曰公曰夫已氏。**註** 猶言某甲。○夫音扶。○言某

甲。○正義曰心惡其政不以為公凡與人言欲稱君者終不謂之為公曰夫已斥懿公之名也。劉云甲已猶言某甲。○襄仲使告于王請以王寵求昭姬于

春秋世譜傳得旨分討但楚也

金谷園晉書春秋見此月晉而史書以九月葬室可謂也孔子何不據王傳而曰又多不解今曰此春秋也

春秋也

讀此則社有物于秋不細而于家後殿祭于孔子三書法耳

齊註

昭姬子叔姬

曰殺其子焉用母請受而罪之

馬

於虔反

冬單伯如齊請子叔姬齊人執之註

恨魯恃王

勢以求女故

又執子叔姬註

欲以恥辱魯

經十有五年春季孫行父如晉

三月宋司馬華孫來盟註

華孫奉使鄰國能臨事制宜

至魯而後定盟故不稱使其官皆從故稱司馬○華

戶化

反使所吏反

疏華孫至司馬○正義曰成三年晉

從才用反疏侯使荀庚來聘衛侯使孫良大夫來聘丙午及荀庚盟丁未及孫良夫盟彼先以君命行聘禮既而別與之盟故書聘又書盟此雖使來聘魯不令結盟故書盟未稱使也僖四年楚屈完來盟于師即其比也諸侯之卿例書名氏以華耦能率其屬官

萬曆十九年刊

春秋疏

吉

備禮盡儀故貴其人書其官也八年宋人殺其大夫司馬宋司城來奔唯言其官不言氏族此既書司馬復曰華孫者劉炫云或以爲華耦貴之既深故特書族案傳華耦魯人以爲敏則君子不許是魯貴之不深蓋史有文質故辭有詳略

夏曹伯來朝

齊人歸公孫敖之喪註

大夫喪還不書善魯感子以赦

父敦公族之恩崇仁孝之教故特錄敖喪歸以示義

疏

大夫至示義○正義曰桓十八年公之喪至自齊僖元年夫人氏之喪至自齊二註皆云告於廟

也是公與夫人薨于外竟皆啓廟告至例書於策宣八年仲遂卒于垂成十七年公孫嬰齊卒于狸服皆不書喪至是大夫喪還例不書此獨書齊人歸公孫敖之喪者釋例曰公孫敖縱情棄命既已絕位非大

夫也而備書於經者惠叔毀請於朝感子以蔽文教公族之恩崇仁孝之教故曰爲孟氏且國故是也。不言來者魯人取之齊人送之非有專使特來故不言使此亦彼之類也。

六月辛丑朔日有食之鼓用牲于社傳例曰非禮也

單伯至自齊

晉卻缺帥師伐蔡戊申入蔡傳例曰獲大城曰入

齊人侵我西鄙

季孫行父如晉

冬十有一月諸侯盟于扈將伐齊晉侯受賂而止故

萬曆十九年刊

春秋疏上卷

十五

摠曰諸侯言不足序列

十有二月齊人來歸子叔姬齊人以王故來送子叔

姬故與直出者異文齊人至異文○正義曰傳

齊人以王之故來送叔姬故與直出異文也使者卑微不可言齊侯使人故云齊人來歸九年秦人來歸信公成風之稔定十年齊人來歸鄆離龜陰之田成九年晉人來賡之類皆是來者微賤不得稱君命故

舉國稱人

齊侯侵我西鄙遂伐曹入其郛郛郛也○郛音孚

傳十五年春季文子如晉爲單伯與子叔姬故也因晉請齊○爲于僞反下爲孟

及下註爲惠叔皆同○三月宋華耦來盟

其官皆從之。書曰：宋司馬華孫貴之也。

古之盟會

必備威儀。崇贊幣賓主以成禮。爲敬。故傳曰：卿行旅

從。春秋時率多不能備儀。華孫能率其屬以從。古典

所以敬事而自重。使重而事敬。則魯尊而禮篤。故貴

而不名。○皆從才用反。註旅從同。又音如字。疏

贊音至。率所類反。又音律。使所吏反。之至

不名。○正義曰：杜檢傳文。諸言書曰者。皆是仲尼新

意。此云其官皆從。卽云書曰司馬貴之。明是貴其官

從。故書其官也。聘禮之文。有上介衆介。至所聘之國

誓于其竟。則史讀書司馬執策。賈人執玉。有所展幣

其從羣官多矣。詩：縣蠻之篇。言大臣出行。微臣隨從。

傳稱：卿行旅從。昭六年：楚公子棄疾聘晉。至於鄭竟。

而誓。知其從人多矣。盟會禮重於聘。知古人盟會必

備威儀。崇贊幣賓之與主。以成禮爲敬。故傳云其官

皆從貴之也。春秋之時。率多不能備威儀。故傳每言

一介行李是也。華孫今獨能率其官屬。以從古典。所

以敬其君事。而自鎮重也。使人既重而承事恭敬。則

魯被尊而賓禮篤也。奉使鄰國能尊主厚禮。是可貴

之事。故仲尼貴而不名。至宴無故揚其先祖之罪。爲

已謙辭。是不敏之極。曾人以爲敏。明君子所不與言。

古之盟會

好子哀不義宋公司城效節來奔單伯自齊致命傳皆言書曰貴之實善而貴之也此亦云書曰司馬華孫貴之何故惡而貴之也劉炫又難云此為不知其非儀父豈亦魯不知其非而貴之乎孔子脩春秋裁其得失定其褒貶善惡彰於其篇臧否示於來世若魯人之善惡筆削之勞何所施用約之以理豈其然哉其官皆從謂共聘之官無闕當有留治政者豈舉朝盡行而責其空官也若以官從即責空官聘禮官屬不少豈周公妄制禮乎

公與之宴辭

曰君之先臣督得罪於宋殤公名在諸侯之策臣承

其祀其敢辱君

註 稱華督魯孫也督弑殤公在桓二年耦自以罪人子孫故不敢屈辱魯公對共宴會

請

承命於亞旅

註 亞旅上大夫也○亞於疏 亞旅上大夫也○

萬曆十九年刊

春秋疏卷

七

正義曰尚書牧誓武王呼羣官而誓曰司徒司馬司空亞旅孔安國云亞次也旅衆也衆大夫其位次卿成二年傳魯賜晉三帥三命之服侯正亞旅受一命之服皆卿後卽次亞旅知是上大夫也華孫不敢當君請受上大夫之宴魯人以爲敏註 無故揚其先祖之罪是不敏魯人以爲敏明君子所不與也

疏 魯人魯鈍之人

○夏曹伯來朝禮也諸侯五年再相朝以脩王命古

之制也

註 十一年曹伯來朝雖至此乃來亦五年傳

爲冬齊侯伐曹張本

疏 諸侯至制也○正義曰周禮大行人云凡諸侯之邦交歲

相問也殷相聘也世相朝也鄭玄云父死子立曰世凡諸侯相朝皆小國朝於大國或敵國相爲賓或彼君新立此往朝焉或此君新卽位自往朝彼皆是世相朝也襄元年邾子來朝傳曰凡諸侯卽位小國朝

之是此新立而彼朝之也文九年曹伯襄卒十一年
曹伯來朝傳曰卽位而來見也是彼新立而朝此也
則知春秋之時猶有世相朝法與周禮合也周禮諸
侯邦交唯有此法但禮父殘缺未知古是何時鄭玄云
必是古有此法但禮父殘缺未知古是何時鄭玄云
古者據今而述前代之言夏殷之時天子蓋六年一
巡狩諸侯間而朝天子其不朝者朝罷朝五年再相
朝者似如此然則古者據今時而道前世自不必皆
道前代傳稱古者越國而謀非謂前代之人有此謀
也古人有言非謂前代之人有此言也詩云我思古
人非思夏殷之人也此云古者亦非必夏殷鄭言夏
殷禮非也僖十五年公如齊杜云諸侯五年再相朝
禮也引此證彼則是當時正法非謂前代禮也或人
見僖公朝齊杜引此爲證遂言五年再相朝是時霸
主之法然則魯非霸主曹伯何以朝之曹豈推魯爲
霸主而屈己以朝之也且云古之制也卽是古之聖
王制爲此法天子不衰諸侯無霸明德天子豈慮世
衰霸王威權不行而爲之制此法毆諸侯以朝之此

萬曆十九年刊

春秋卷之六

天

不達理之言耳然則諸侯之邦交者將以協近鄰結
恩好安社稷息民人土宇相望竟界連接一世一朝
疎闊太甚其於閒暇之年必有相朝之法周禮言世
相朝者以其一舊一新彼此未狎於此之際必須往
朝舉其禮之大者不言唯有此事五年再相朝正是
周禮之制周禮文不具耳文襄之霸其務不煩諸侯
以五年再朝往來大數更制三年一聘五年一朝所
以說諸侯也五年一朝者亦謂朝大國耳且彼因說
弔葬非獨霸主之喪明使諸侯相共行此禮也霸王
遭時制宜非能創制改物諸侯或從時令或率舊章
此在文襄之後仍守舊制故五年再相朝也傳言古
之制以文襄已改故也昭十三年歲聘問朝是周之
諸侯朝天子之法故釋例引之云明王之制歲聘以
志業以解朝聘之數尚書周官六年五服一朝孔傳
云一朝會京師是再朝而會周之正禮也若然大見
人云侯服一歲一見甸服二歲一見男服三歲一見
采服四歲一見衛服五歲一見要服六歲一見甸於
服數朝者大行人所云謂貢物而見或君自至或遣

臣來除此貢物之外別有朝會之禮沈氏以爲諸侯五年再相朝及昭十三年皆爲朝牧伯之法以間朝以講禮與再朝而會是三歲之朝與六年之朝大率言之是五年之內再相朝也但魯非曹之伯國而沈云朝牧伯之禮又昭十三年朝盟主○齊人或爲孟之法亦無明證沈氏之言未可從也○齊人或爲孟

氏謀

孟氏公孫敖家慶父爲長庶故或稱孟氏

疏

孟氏至孟氏○正義曰公孫敖慶父之子杜以慶父與莊公異母庶長稱孟雖強同於適自稱爲仲以其實長庶故

曰魯爾親也飾棺寘諸堂阜

堂阜

齊魯竟上地飾棺不殯示無所歸

○寘之鼓反竟音境殯必力反

疏

堂阜至所歸○正義曰喪大記○飾棺君龍帷黼荒火三列黻三列素錦褚加帷荒纁紐六大夫畫帷畫荒火三列黻三列素錦褚纁紐二玄紐二鄭玄云飾棺者以華道路及墳中不欲使衆惡其親也荒蒙

萬曆十九年刊

春秋疏本

无

也在旁曰帷在上曰荒皆所以衣柳也土布帷布荒君大夫加文章馬黼荒纁緣邊爲黼文畫荒纁緣邊爲雲氣尖黻爲列於其中耳褚以襯覆棺又加帷荒於其上紐所以連結帷荒者也禮之飾棺惟有此耳齊人教之飾棺蓋依此大夫之制而爲之飾置諸堂阜故爲不殯示無所歸冀魯人哀之也沈氏云飾棺卽雜記云諸侯死於道其輜有袵緇布裳帷素錦以爲屋而行大夫死於道以布爲輜而行義或當然

魯

必取之從之卞人以告

卞人魯卞邑大夫○卞皮彥反

疏 卞人魯卞邑大夫○正義曰治邑大夫例呼爲人孔子父爲鄆邑大夫謂之鄆人知此卞人是卞

邑大夫其邑近堂阜故見之而告魯君 惠叔猶毀以爲請 敖卒則惠叔請之至今期年而猶未已毀過喪禮○期居

其反 疏 敖

卒至喪禮○正義曰敖卒已向周年猶尚毀以爲請知敖卒卽請至今未已也傳言猶毀是不復應毀故

知毀過喪禮也。劉炫云：赦去年九月卒，至今年夏據月未匝，不得稱期。年今知非者，杜以傳云：惠叔猶毀據日月之久，欲盛言其遠，故云期年。但首尾二年亦得爲期年之義。劉以未周十二月而規，杜氏非也。

立於朝以待命許之取而殯之① 殯於孟氏之衰終

叔服之言 齊人送之書曰：齊人歸公孫敖之喪爲孟

氏且國故也② 爲惠叔毀請且國之公族故聽其歸

殯而書之③ 爲于 葬視共仲④ 制如慶父皆以罪降

○共聲已不視帷堂而哭⑤ 聲已惠叔母怨敖從莒

女故帷堂⑥ 已⑦ 帷堂⑧ 正義曰：檀弓云：尸未毀飾

又帷堂以至於殯，恒帷堂雜記云：朝夕哭則不帷，今聲已恨穆伯故朝夕哭仍帷堂，檀弓又云：帷殯非古

自敬姜之哭穆伯始也，與此相類也。敬姜者穆伯妻又伯歌之母也。穆伯李悼子之子，公甫靖與敖非一

人，襄仲欲勿哭⑨ 怨敖取其妻 惠伯曰：喪親之終也

⑩ 惠伯叔彭生 雖不能始善終可也。史佚有言曰：兄

弟致美⑪ 各盡其美義乃繼⑫ 音逸 救乏賀善弔災祭

敬喪哀情雖不同，母絕其愛親之道也。子無失道何

怨於人，襄仲說帥兄弟以哭之。他年其二子來⑬ 敖

在莒所生⑭ 母音無⑮ 疏 祭敬至道也⑯ 正義曰：祭敬

敬也。喪哀者謂兄弟死喪之事，竭其哀也。情雖不同謂內相怨恨，情雖不能和同，當無絕其愛是相親之

道 孟獻子愛之聞於國⑰ 獻子穀之子仲叔蔑⑱ 音聞

萬曆十九年刊 春秋疏 卷 三

或如字下同 或諧之曰將殺子獻子以告季文子二
蔑亡結反

子曰夫子以愛我聞我以將殺子聞不亦遠於禮乎

遠禮不如死一人門于句躄一人門于戾丘皆死

句躄戾丘魯邑有寇攻門二子禦之而死 反下同句

七侯反躄又作龜 句躄至而死 正義曰句躄
莫幸反戾力計反 戾丘有寇攻門不書者服虔云

魯國中小寇非異 國侵伐故不書也 六月辛丑朔日有食之鼓用牲

于社非禮也 得常鼓之月而於社用牲為非禮

得常至非禮 正義曰此與莊二十五年經文正
同彼傳云非常此傳云非禮者彼失常鼓之月言鼓
之為非常此得常鼓之月而用牲為非禮彼云六月
實是七月傳因日月之變以起時歷之誤故釋例曰

萬曆十九年刊

春秋疏卷九

三

文十五年與莊二十五年經文皆同而更復發傳曰
非禮者明前傳欲以審正陽之月後傳發例欲以明
諸侯之禮而用牲為非禮也此乃聖賢之微
旨而先儒所未喻也是解二傳不同之意 日有食

之天子不舉 去盛饌 去起呂反 饌仕春反 正義曰周禮

膳夫掌王之食飲膳羞以養王及后世子王日一舉
鼎十有二物皆有俎天地有災則不舉鄭玄云殺牲
盛饌曰舉今云天子不 伐鼓于社 責羣陰伐猶擊

也 責羣陰伐猶擊也 正義曰郊特牲云社祭
土而主陰氣也君南鄉於北牖下荅陰之義也

論語云鳴鼓而攻之伐鼓者是攻責之事故云責羣
陰也日食者陰侵陽故責陰以救日孔安國尚書傳
云凡日食天子伐鼓于社責上公然則社以上公配
食天子伐鼓責羣陰亦以責上公也諸侯用幣于社
請上公亦以請羣 社尊于諸侯故
陰也互相備也 諸侯用幣于社

請救而不敢責之

疏 社尊至責之。○正義曰昭二十九年傳曰封為上公祀為貴

神社稷五祀是尊是奉是社為上公之神尊於諸侯禮用幣者皆是告請神明之事以社尊故用幣請救而不敢攻責也陰侵陽而**伐鼓于朝**退自責以昭請陰者請止而勿侵陽也

事神訓民事君

疏 天子不舉諸侯用幣所以事神尊

卑異制所以訓民

疏 天子至訓民。○正義曰天子不舉自貶食耳而以為事神者

畏敬神明乃自貶損微膳不舉亦是事神之義故通以不舉為事神也

示有等威古之道也

道也

疏 等威威儀之等差。○差初佳反又初宜反

○齊人許單

伯請而赦之使來致命

疏 以單伯執節不移且畏晉

故許之

書曰單伯至自齊貴之也

疏 單伯為魯拘執

萬曆十九年刊

春秋卷本

圭

既免而不廢禮終來致命故既而告廟。○為于偽反

音俱

○新城之盟

疏 在前年

蔡人不與

疏 不會盟。○與音預

同晉卻缺以上軍下軍伐蔡

疏 兼帥二軍

曰君弱不

可以怠

疏 怠解也。○解佳賈反

戊申入蔡以城下之盟而

還凡勝國曰滅之

疏 勝國絕其社稷有其土地。○還音旋

獲大城焉曰入之

疏 得大都而未有

凡勝至入之

傳已發凡例襄十三年復發傳云用大師曰滅弗地

曰入再發例者兵之所加不可細舉故舉舊策之典以例而言用大師起大衆重力以陷敵因而有之故

曰勝國通以滅為文也以成師重力雖獲大城得而弗有故直以出入為辭曰入之而已城不包

地國不通邑滅邑必主大師是故再發例也。○秋齊

人侵我西鄙故季文子告于晉○冬十一月晉侯宋

公衛侯蔡侯鄭伯許男曹伯盟于扈尋新城之盟且

謀伐齊也齊執王使且數伐魯○使所吏及下王使同數音朔

人賂晉侯故不克而還於是有齊難是以公不會

明今不序諸侯不以公不會故○難乃旦反下註同書曰諸侯

盟于扈無能為故也惡受其賂不能討齊○惡烏路反

凡諸侯會公不與不書諱君惡也謂國無難不會

議事故為惡不書謂不國別序諸侯與而不書後也

謂後期也今貶諸侯以為公諱故傳發例以明之

萬曆十九年刊

春秋卷九

重

○為于凡諸侯至後也○正義曰七年公會諸侯

偽反晉大夫盟于扈傳曰公後至故不書所會

因發例云凡諸侯不書所會後也後至不書其國辟

不敏也彼乃議事而君後期諱君之惡故摠稱諸侯

此亦摠稱諸侯不會非公之罪而經文相似傳辯諸

嫌故更復發例而以善形惡凡諸侯為議事聚會而

公不與則不歷書諸國諱君惡也若公實預會而亦

會受賂舍罪致使魯有齊患公雖不與非公之罪經

與後期文同似為公諱故傳發例以明之此魯公雖

不與非單伯雖見執公惡也○齊人來歸子叔姬王故也

能守節不移終達王命使叔姬得歸○齊侯侵我西

鄙謂諸侯不能也不能討已遂伐曹入其郛討其

來朝也此年夏朝季文子曰齊侯其不免乎已則

無禮

註 執王使而伐無罪。已音紀。使所吏反。

而討於有禮者

曰女何故行禮禮以順天天之道也已則反天而又

以討人難以免矣詩曰胡不相畏不畏于天

註 詩小

雅○女音汝相息

疏 曰女至道也。正義曰言曰者亮反又如字。原齊侯之意而為之辭也責曹

曰女何故行禮謂責於朝魯也天道以卑承尊人道

以小事大禮者自卑而尊人朝者謙順以行禮行禮

以順天是天道也○詩曰至于天○正義曰此詩

小雅雨無正之篇胡何也詩人責朝廷之臣女羣臣

上下何以不相畏乎女上下不相畏乃是不畏于天也

天也在周頌曰畏天之威于時保之

註 詩周頌言畏天威于是儻福祿不畏于天將何能保以亂取國奉

萬曆十九年刊

春秋疏卷十九

畜

禮以守猶懼不終多行無禮弗能在矣

註 為十八年

齊弒商人傳○守手

又反

春秋左傳註疏卷第十九

